

沅
湘
耆
舊
集

沅湘耆舊集卷第一百三十四

新化鄧顯鶴湘臬編輯

湘陰左宗植仲基校訂

蔣伯子湘培五十四首

湘培字篤因湘鄉人乾隆甲寅舉人所著有莫如樓詩鈔篤因與其弟墉城垣俱以文鳴時稱四蔣莫如樓者其兄弟讀書處也篤因才氣雄鷲與吾友歐陽礪東交最早甲寅同舉於鄉各魁其房韻語經礪東論定尤多可存

獨漉篇

獨漉獨漉泥深沒足泥深柰何蒲葦濁波東門有烏嚮以

涉江春舊集卷之二五十四
鐘鼓三日不食悲淚如雨雲海蕩瀾不如車飛遠遊金盡
不如早歸閉夜啟軒天風颯然鳴劍在匣劍光射天夜半
傳餐關山路難匪我欲往思酬舊恩深林鬱鬱有嘯叢薄
勿施毒矢虎食豪惡

古詩

迴風拂楊柳墮絮化萍綠楊枝照水泣欲聚何由屬驅馬
洛陽道對面逢華轂微睨車中人疾過不我目曩時雞血
乾盟寒逸難續况此貴賤異塵泥各清濁閱世憾不早古
道將誰勗欲哭還自笑歸臥故山麓

日暮秋風來吹我簾帷開飛糞落何處飄飄離根莖起步
臨空塔空塔多毒苔不見舊行迹雁聲天上哀願言撫錦

瑟錦瑟生塵埃君去不復鼓君行何時迴灼灼桃李花零
落歸牆隈翠髮半已變朝朝愁鏡臺

蓬萊海中山可望不可卽子身思往從日暮天色黑虎豹
夾道啼鼯鼯夜求食欲進那可反徙倚岸巖側耳聞海水
聲瀕洞不可測仙人高豈知狂風起窮北

驅車駕良馬行行西山陬誰謂馬奔佚敗此輪輿駟杳不
知所屆茲器良難留人生理不久乾坤同一漚百年詎幾
日休使形神愁不見荒郊問往往出憫骸日暮人迹絕悲
風來長楸

青天高巍巍白日陰慘慘君子行戍邊萬里去何處四時
迭變易有泉靜盈坎終年不出山夕月照幽淡游魚潛宿

淵叢蘭滋舊曉虛堂自偃仰腸間車輪轉不惜容華衰恐
君衣帶緩願言車生角欲出不可輓人生遠別離誰能鬢
不變

孤鸞海上來乘風獨徘徊鷹隼厲勁翻猛氣何雄哉本非
同聲烏胡爲俟來隨常恐霜雪至告訴毛羽摧有翼不好
飛有口不願肥元化各有適今君胡見猜

朝遊北邙上鬱鬱多邱阜衰草何茫茫風吹道旁柳耕夫
鋤古墓時復見狸首幽戶無遺骸何論萬家守美人與鐘
鼓飄散同芻狗當時已寂寞矧此千歲後人生能幾時少
壯成老醜感彼昔人言榮名期不朽

行行涉遠道惻惻心悲酸迴望舊里間白雲渺漫漫故人

有短書訊我今平安憐我行路難念我衣裳單開緘未
竟淚下何泐瀾掩書長太息恐傷壯士肝三日度飛狐五
日過桑乾鳥飛道路長遊子慘不歡邊庭多嚴霜十月風
苦寒人生萬里別誰能常朱顏長蹉跎故人何時復當還
吞聲勿復道瘡痍增慟歎

上山采蘭草持以贈所思所思渺何方遠在天一涯共入
君懷袖春風當見吹顏色亮易悴馨香終不移

明月肅中天三五正低昂佳人感良夜攬衣步前廊援琴
揚妙音當窗發清商清商未云已淚下如流水妾身處中
閨遊子在萬里萬里去匆匆清光靡與同獨宿耿不寐何
由夢中逢

高臺旣已傾曲池亦已平直視墟墓上荆榛浩縱橫斯人
全盛時原嘗與春陵呼吸生春風一諾黃金籛朱履各三
千竦轡影華纓激楚殊未已侯門有虧盈春草萋已綠秋
風行復驚擾擾市朝客今君何所營

商鞅詠

峭函古百二獻孝競創闢誰希五殺賢乃此景監客強外
忘中乾元氣淒以釋十年功旣成一跌族遂赤恃力那可
入灌園豈長策不如早見殺反得全家宅嗟爾徒木人其
毒甚蠶蠶非斯噓虐炤鞅也實指畫身斲屍亦顛刑名竟
安益浩歎鍾山翁千年想遺跡

驅雀行

結廡陰嶺側聊足避湫隘有燕睇斯宇喃喃似稱快銜泥
巢屋底羽翮譙以鍛功重方伯寶俗物忽來敗誰謂彼無
角辛螫侮蜂蠆逞勢那肯已避舍心猶戒平生苦疾惡遲
久木小瘞拔釘常恐緩決網劇爬疥豈不懼金丸且用平
蒂芥誅凶安龍夔植擗去稂稂雀去燕一息對我如抑噫
愧無金距雄欲下青蠅拜願君長相保無使重破壞此意
良可珍垂爲後車誠

登拱極樓次少陵萬丈潭韻

長江西北來煙水莽空晦孤洲壓龍窟盤束積水內峩然
立高樓結構入青靄俯乘絕壑隘橫據石根大卻望靈麓
峯氣力兩堅對浮尖嵌虛無削面射清澗瀾漫散百靈波

浪浩破碎雲宮失絕險極目飛鳥外東南指城堞縹緲搖
旌旆丹雘麗餘照倒影落孤瀨山川旣清美風流自誰輩
憑江發新興勝地茲遊最浩蕩長風來慘澹白日凝矯然
江海思蒼茫愜幽會

湘西寺霽夜次李文山原韻

微雨宿招提孤懷契幽絕不知千林端冉冉流素月雪英
與江水光彩互明滅夜色清人心皎若干頃雪坐久蘄蔔
花時聞暗香發忽憶同心人川廣不可越

花石戍次少陵韻

秋風吹客子浩浩適荒戍層陰沉積水古色生遠樹蒼涼
濤聲壯慘澹風景暮雲日森蔽虧山川莽迴互時時歷清

景所獲不可數蒼蒼堪以荒塗忽見樵蘇路驚駭時鼓盪飛
泉忽奔注時清兵氣銷地險藩籬固徘徊憶高詠徙倚几
幾度幽香不覺延暫息聊一賦

空靈岸次少陵韻

耳傾無停響目眩不遑眺偉哉造物功厥跡何雄妙萬石
突馳騁雙巖劃奇峭殷知怒雷奔仰不見曦照冥冥歸鴻
啼噉噉夜猿嘯忽若三峽行此身墮巴徼信知于役勞恐
詒垂堂諠向來尋水經一覽窺秘要

山遊

高山如梯空突兀露脊背下臨小坡阜波濤浩破碎婉孌
多餘妍奇怪或分外青蒼雖一氣俯仰各殊態攀蘿陟層

蘇詩集卷第二十三
嶺跨險入幽靄天工信好事乘酣作狡獪當其行壯藻往
往得奇概上有幽人居似保清淨退偃月作巖屏裁雲出
松蓋頗疑蘇門徒青眼非我輩余亦棲遲人清輝澹相對
逍遙久忘歸終焉謝埃壒

棄婦篇

妾非不入園去婦不顧門誰言不顧門脈脈懷舊恩上山
采菘菹下山采杜若菘菹無寸心香草有銷落食梁常苦
飢衣褐常苦寒跋彼天漢女喟然傷肺肝悲傷將難任感
歎無終極恐傷君子心匪我不遑息回望舊蘭房舊荷有
故芳寧言關山遠咫尺道何長昔種菖蒲花今生斷腸草
豈不惜容華沉憂令人老皎皎明月光何時鑒虛帷

感慙淖賤妾復何爲

東武吟

漢武求故劍嬪御皆涕零魏王棄前魚左右多嘆聲賤子
少年日早希烈士名出身承主恩萬里事遠征追虜交河
北蓐食朔方庭徒手盲白刃俯身拳前旌朔風浩浩來寒
馬慘不鳴孤蓬雜沙飛天地忽晦冥短兵怒相接血濺單
于腥朝射南山虎夜宿醉尉亭何人知故將窮老甘伶仃
道逢羽林兒顧盼生光榮錦帶鸛鶴裘車馬浩縱橫時移
貴賤異事去炎涼更顧慙麒麟閣虛望嫖姚營蒼鷹思一
擊老驥忽長鳴仍蒙伏波將不媿班生銘

咏史八首

鬱鬱青楓樹歲久成枯株鴟鴞巢其顛失路委泥塗高明
逼衆怒傾奪在斯須李斯相秦皇六國爲邱墟失意車府
令陷身家亦屠韓非亦何人乃如兔投學位顯實疾債名
高成禍樞不見蘭陵令衰年方著書

咄此軒冕客請覽西京時西京昔全盛官觀何巍巍出入
皆許史貂蟬悉金張和顏若春風悲憾成嚴霜達人秉高
節志士多慨慷田寶旣傾移賓客互低昂赫赫將軍幕盈
盈劍珮光當時長批者惟有汲淮陽

虞羅滿天地胡爲雁南翔翠竹花不實孤鳳徒徬徨徘徊
覽德輝所志非稻粱漢廷無爵侯孰知綺與黃申公竟春
市暮年毋乃荒

未雲視安昌弁鄙如糞土假之斬馬劍何異磔腐鼠漢廷
且無人東閣安足顧掉頭不肯畱攝衣出門去

羊裘大澤問東京嚴陵氏詎肯揖王侯尙不臣天子伯鸞
去吳國賈春亦何鄙徒聞五噫歌求之安肯起清芬播無
窮令德邈千祀豈知東方生大隱隱朝市

太行匪云高淇河豈言悍物理一朝然榮枯有遷換誰言
金石堅化作管輅誰言蘭蕙芳今爲蕭與艾名利使人
爭升沉使交壞古人感一飯今人重高貲嗟毗生怨毒咄
咄令心悲

翩翩野田雀得失相呼躍安知歲寒時繁華且娛樂皎皎
當路子第宅橫苑洛車馬若川流縞紵義不薄悅澤在一

時萬世如可託爰居知天風鳴雞知日且天運如轉輪世
途忌高閑昨日朱履客今朝已雲散亭臺一以夷曲池變
高岸感彼雍門言誰能不三歎

蘭以薰自焚龜以智自斲豈惟物理然倚伏信有之悠悠
天道味賢聖共一時屈平竟懷沙子胥逐鴟夷數薄邁匪
鑿運窮丁式微誰言捐軀易默默成孤危萬古有如此喟
然懷采芝

雲林彭九者余總角交今歲七月投余古體詩一章
甚佳懶未卽和冬夜酒殘緜帙得詩聊復作答

冬風蕭颯雲迷離松爐竹火臨書帷夜來煮酒洗堆阜興
酣忽憶雲林詩雲林友余已十載青鞵布襪常追隨就中

眞起識者寡明月入懷眞可思奇文磨盡萬鈿墨新詩
遍千烏絲投我展覽意無盡五湖春水遊蛟螭引微落
非我事東汰一一盈珠璣憐子三十尙局促塵埃浣面顏
項低寶圭溫潤琢完好飛黃擺脫鬛與鞵斯文如女有正
色但恐嗜好隨俗移我如春蠶不自暖吐論迂濶人詆譏
子獨捩眼見眞意長當攜手連巾綦別後餘歡久未續傾
危解帶何參差念子不見苦惆悵寒燈相對三更時

讀淮陰侯列傳

長樂倉皇壯士死天下心悲漢皇喜漢皇何喜民何悲歡
歌乃在深宮裏吕公息女老董毒滅火禍胎眞禍水內蛇
氣燄凶灼天龍鼎彭亨思染指廷臣健者韓將軍與噲等

伍心尙恥生有肯作呂氏臣俯窺產祿孤豚耳鐘室幸爲
兒女詐梁王菹醢東都市良弓走狗去幾盡炎祚傾亡竟
何恃發蒙振落眞易與天下大勢可知矣長陵魂魄如有
知當時何爲斬壯士

禹碑

羲農龍穗世莫宣龜鳳飄散如雲煙岐陽獵碣最晚出盤
踞萬古光中天峩峩禹碑竟韜晦如璧蘊璞珠沉泉巖阿
高蹇雲霧密苔蘚包裏蘿葛纏千搜萬索不一出遂令識
者涕泗漣嗚呼洪流蕩天地欲洗九野爲巨川錢塘奮飛
露鱗角支祁跳踔騰腥涎汨陳九載竟不寤黃能蹠跚遊
羽淵古禹三千六百歲憫念常毒民憂煎情齋血馬告衡

嶽登山啟石披金鍵龍門呂梁條闢鑿九河三江如折旋
目窮神姦誌山海手揭日月還坤乾功成臨崖勒片石無
歲月識名姓編屹乎茲碑立逢頂紅光紫氣何赫然決非
人力所纔畫天啟聖造呵護虔聊答百靈剴垆墾驅駕六
甲供雕鏤高文熊爪自製作深刻螺畫相鈎連千緡鎔鐵
壯鎮紐萬衆攔陣森戈鋌詎同九鼎鑄魑魅豈比十鼓包
席瓊漆書籀篆盡雲耳何泥罟嶧如蚍蜉吁嗟神物有顯
晦昔何滅沒今何傳萬八千文信詭秘七十七字何聯蜃
雨淋日炙無缺畫道人樵子窮攀緣我疑真宰洩元化致
此恐是飛來仙字古句奇苦難讀諸儒瑣瑣勞釋詮惜哉
不逢尼父採列之二典三謨篇又憾韓公不經見高文大

筆真如椽廬陵新安諸老宿白首愴歎魂神牽後來才薄
盛題咏如以寸管摹璣璇天地大文不容讚願取江水萬
斛前紛紛摹搨走駢闕梯崖架壑相蔓延事嚴跡秘竟何
有至寶磔裂神所憐我恐斯言不忍錄安得有方爲護全
靈咸丈人不敢竊昆明劫火安能燃使衡如礪江若帶歷
千萬歲無崩鶩

浯溪中興寺碑

磨崖萬古斯文出次山文章魯公筆百怪卻走龍盤拏光
芒倒射扶桑日漁陽鼙鼓轟如雷羽林萬騎從西來延秋
門外老烏叫洛陽潼關安在哉朔方天子真神武手提孤
軍定豺虎九廟無塵日月新六龍重幸華夷舞漫郎作爲

雄偉詞格高氣重文采奇直將瑯琊嶧山體摹寫吉日車
攻詩太師筆勢何超軼收拾諸家提一律文章書法與功
勲總在人間爲第一翻嫌多事雙井黃吹索瘢垢窮纖茫
兩公忠義薄日月肯以謗史鏡青蒼龍光萬丈今猶遶野
火不燒石不剝自有中興無此碑千載誰當老文學中興
謂前代帝王有盛德大業者必見於歌頌若今
歌頌大業刻之金石非老於文學者誰宜爲

行路難四首

君不見匣中鏡琢玉爲臺互清映君不見鏡中塵一朝掩
面知何人人生意氣亦如斯倏忽相傾安可欺欲將肝膽
向人盡畏君按劍還復疑可憐北地李都尉心欲報恩君
未知

君不見道旁井百尺流泉空照影君不見井上桐飄零墮
葉隨秋風風吹葉落紛南北回首相逢不相識
曉曉青絲繫銀瓶欲絕未絕常苦傾君如不忘纏綿意
湘瑟秦箏無限情

君不見苑中池清泉石甃相參差君不見池上鶴紺頂縞
衣紛飲啖主人繡幄開華堂堂中七十二鴛鴦鴛鴦從他
池上宿詎意雲霄道路長十洲三島不歸去人間稻梁那
得住

君不見路旁柳道上行人攀折久君不見楊白花隨風飄
蕩落誰家人生聚散豈能一孤蓬欲舞浮萍泣砌底雪霜
松樹枝鬱鬱青青終不移桃李何心艷陽節請君看取歲

寒時

古木鳴禽圖

北風三日狂不歇餘怒猶號吹作雪沉陰亘天氣黯慘落
葉橫飛枝突兀寒雲淩競不肯度頭白老烏啼上樹翩翩
簷隙似披綿凍雀驚翻亂無數古木信屈枝相樛數聲啞
啞枝上頭復聞短喙啾啾凍雪聳引百鳥皆啁啾是時毛羽
慘不舒喙喙噴噴何爲乎會看春風二三月嚶嚶好鳥鳴
相呼畫師寫生乃如此能使禽聲滿人耳

春草

出門望遠道縱目極平蕪芳草年年綠天涯何處無春風
吹別浦落日聽啼鴉言念青雲客征袍誰與俱

古寺

樵徑不到處檀花香一林偶來破孤寂卽事成幽尋野鳥
得慈力蒼苔生淨心余方古巖下晏坐調鳴琴

梨花二首

銀畏檀板趁芳辰素艷輕盈欲絕塵靜女出遊寒食後春
風微拂粉裝新沉沉院落留春夢薄薄雲光照玉津儘解
穠華惜桃李東欄惆悵更何人

買樹閒來倚院牆洗妝端爲惜幽香玉容寂寞新愁在法
曲飄零舊調亡風裊卻疑追艷笑雨餘渾似哭郎當悲歡
誰證三生事且向青帘問素郎

賦得秋雨生涼葉滿庭

何許涼生落葉秋
溟濛微雨暗山樓
乍如有
滅蕭蕭下似
不禁離冉冉
愁汾水人歸寒有信
桂蘿疑近夢難留
西園
一夕逢搖落
忍更聽人唱石州

三徑蕭然溼翠蒼
吟帷消息動清商
關心洛浦雲衣冷
念到吳閭玉簫涼
碧樹閒庭愁暗度
紅燈小院夜初長
何人新試西涼曲
况是邊城萬里霜

三醉亭

三島仙翁去不迴
當年屢此潑香醅
蒼梧北海歸塵夢
落日孤亭歷劫灰
別浦殘虹畱劍氣
平湖秋月贖詩才
何當騎鶴凌珠闕
其向春風倒酒杯

永福寺

倚檻溪聲繞碧岑
開窗雲氣落衣襟
青山有畫漁樵路
古佛無言鐘磬音
谷口煙霞秋似染
寺門松栝畫常陰
名花翠竹俱零落
倚杖空林時一吟

湘中雜咏八首

拂拭殘碑字宛然
當時逸興尚翩翩
黔雲萬里應流涕
絕少狂歌似昔年
裕公祠在湘鄉城外里許祠前爲洗筆池
公有聖教序帖在今祠內噫蟻蟻餘生公
亦憊矣追思狂歌歡
宴轉爲樂土悲夫

一代風流王晉卿
西施飛蓋盡羣英
不爭歌管平陽樂
割取林泉小景清
宋王晉卿詵有湘鄉小景
見樓輪攻媿集樓有跋

鶴山書院今衰草
古邑荒祠有斷碑
幾載投荒真萬里
同

悲謠詠是蛾眉

門戶紛紛太劇頭，可堪噤口說幽燕。甲科莫道成何事，早

是詞章二百年。

湘鄉志：惋王南強，容事迹不著。余按：止齋集有送王南強赴紹興簽幕四首，首章云：

詞章行天下，嘉賴二百年。甲科至公卿，誰敢謂不然？有人
妄媒孽一世，所棄捐我亦欲護短，諱不言幽燕汗簡。在吾
後覆車在吾前，余以四詩證之。知南強以言用兵復仇事
被斥，遂復參戎幕也。既見其立身居官之大節，又認其爲
當時賢人君子所推重云。

寶繪奎文兩未銷，鶴汀烟嶼態蕭蕭。知渠畫思如詩思，風

雪騎驢過灞橋。

微廟有題趙士雷湘鄉小景，見明都逢慶續書畫題跋，記士雷故宗室，宣和畫譜云：

作雁鴛鷓鴣，鷺溪塘汀嶼，有詩人之致，作花竹多在風雪荒寒之中。

老粟清詞兼綺密，酒酣濡筆氣淋漓。如何一夕瀟湘賦，前

詩云：潘緯十年吟古

鏡何消一夕賦瀟湘，卻掩琳瑯萬首詩。

梅花百咏本不足存，而俗子喜推之。

海粟詩以
此減價

垂老空門意惘然孤亭元在劫灰前可憐白首浮湘客恰

似瓜盧臥雪年

浮湘亭郭
些庵居也

迴合青山似畫圖輞川得及此間無此身投老知何處青

玉山房萬卷書

余別業在碧溪距余居數里
先墓在焉余亦有終焉之志

沅湘耆舊集卷第一百三十四終

沅湘耆舊集卷第一百三十五

新化鄧顯鶴湘皋編輯

湘陰左宗植仲基校訂

蔣季子湘垣

古體詩四十九首

湘垣字師大湘鄉人嘉慶乙丑進士師大爲篤因
毋弟與其叔兄城同舉於鄉皆以伯子爲師詩文
奇肆在諸兄中尤推後勁今所傳莫如樓台刻文
集皆師大所論定也

短歌四章

猘猶磨身謂麟不仁狩于西田而喪其身

白頭老儒手版趨府願得升斗聊以自哺爲言升斗大不

易慎勿出門網羅迫

思還舊鄉薄脯二簋以奉酒漿君子擊鼓小人擊缶舞
光輝前爲君壽

南山有兕革堅劍澀去去各努力枯魚過河泣

古詩二首

驚風飄平原獨樹如望遠徘徊孤城上白日忽晚晚客心
同轉蓬况乃秋風吹故山渺何許鴻雁西南飛出門亦何
爲刺促傷懷抱浮榮奚足珍學道憾不早磊磊澗中石
冷山下泉寂歷感人心云誰使之然仰視墜葉飛下見流
波激匪我倦行役歲月令人惜秋稼行當登霜露日以滋
菊花倘未悴及我還山時

浩蕩乘八風羣仙共遐舉丹霞與紫霧飄散如飛雨振衣
忽長吟噓氣落巖戶天門歘然合雲光照孤嶼五城十二
樓縹緲迷處所側望芙蓉峰片片皆可數逶迤入雲去層
峰互吞吐清賞殊未窮興發一起舞飄飄度橫梁山堂響
人語

古意

春風吹芳洲蘭葉被廣路青陽奄云別芳華願長駐獨鶴
望其儔徘徊警宵露非乏雲霄志念子不得住慷慨懷所
思徽音愴餘慕豈無壯士節沉吟爲君故月映瀟湘流雲
起蒼梧暮悵焉歸舊山愁心滿江樹

雜詩三首

沙洲耆舊集 卷之二 三十一 五
秋色薄空山落日寒無光疾風吹白草平原浩茫茫客子
遠行役驅馬陟高岡北顧臨晉中西望隴坂長秦塞千餘
里關樹何蒼蒼昔者隆準公按劍起芒碭明斷自天啟猛
士盡龍驤百戰埽六合功成歸故鄉置酒樂沛宮擊筑歌
慨慷大風忽寂寞雲氣空飛揚高臺一以眺故宮秋草荒
悠悠千載下懷古令心傷

獨鶴西極來入荒一朝暮思跨巨鼈背巢在三山樹會遭
溟海翻洪波突奔注長鯨作人立北風何震怒崆峒合陰
雲蒼莽失故路鳳飛九千仞徘徊不肯顧俯恐地軸裂仰
愁淫霖霍矯矯珍羽毛恐懼泥土污伺鸞振仙翮中宵警
秋露王喬竟不來孤鳴欲誰訴

中天江星搖月明夜離畢淫霖會羣流萬山水爭出蒼茫
神鬼下瀾漫川瀆失氣壓坤軸折勢兼洪河溢側聞南荆
州盤據頗突兀天神驅雷霆滂沱洗城闕長鯨劈石去茲
焉其宅窟使者下黃符官吏鞭士卒萬家向水泣版築力
轉竭此邦逼洪流蛟龍屢奔突吾思黃陵廟神功未銷歇
悠悠大禹勲如何奠溟渤

感懷十首

泠泠泗濱磬本自陳虞廷得之古田中無人發其聲肅肅
廟堂器神人和以平幽精諒所在俗器瘖不鳴聖人理簞
韶大音斯可聽

種菊南山下本爲制頽齡采芝商山中期我學無生煌煌

靈藟質一草乃百莖聖人啟元命幽贊發其英世人不知
貴棄置無復存如何天地心滅沒枯草根

北方有一士元栖邈難尋時時一長嘯如聞鸞鳳音投以
大道言漠爾如不任笑指竹林人頗識此意不何況洛陽
子車馬如林邱

南望襄樊間遂登呼鷹臺雄圖忽已矣霸氣終蒿萊連泐
天地閉羣雄如驚雷隆準高帝孫呼叱江漢迴古來用武
地豈曰非天開虛談竟何成豎子安足咤孫策真獍兒又
自丹陽來遂令英雄人拊髀生悲哀臨風忽三嘆咄咄真
駑材

吾高劉越石慷慨荆山作奇功雖不成流聲振河朔運甍

終日勞聞雞夜中起古來英傑士用心乃如此

元化浩無象厥跡難可尋冰結天地凝識微在初陰昔之
沉冥者誰能測遙深嵇生三尺琴中有太古音阮生雖沉
醉頗用觀古今落落廣武歎無人知此心

真靈不可迹白雲當知之請問仙人壇滅沒今是非吾問
元精理變化入無爲杳冥方寸間恍惚安可希遙遙海中
仙鬱鬱商山芝衰識莫能得賢聖亦難期大道在胸臆請
君看素絲

薊邱何峒龔古城安在哉當時望諸君駐此黃金臺不見
易水上千秋使人哀悲哉少年子杖策復歸來

方春揚時和草木應節達宵露皓以盈時雨滋秀枿悠悠

元精理寒暑自相伐
鯢鳩鳴已哀
螻蛄聲始發
佳人期不來
芳華恐銷歇

潛蛟處深淵
蜿蜒出江滸
盜弄雲雨權
雷公噤不語
吾聞飛龍德
乃屬至陽精
乘彼無爲化
施行天下平
哀哀鰥鱗舞
擾擾爾何營

讀漢書循吏傳三首

孝武尊酷吏
血流被九州
渤海得少卿
劇賊不帶牛
治亂如亂繩
急不可爲謀
問彼束溼者
曷以示馴柔
悲哉輪臺詔
晚得富民侯

探丸戕官吏
剽市奪之金
竄籍羽林中
殿前射飛禽
捕急跳潢池
詎足汚刀砧
青青陵陂麥
詩禮彼何心
飛鳴難

鳥懷我泮林音

下吏識封鮓公卿思拔葵如何古人節薄俗已陵夷象以
焚其身珠以竭其池顧慙負薪子廉吏安可爲桐鄉悵已
矣千載有遺祠

又雜述六首

人言吏道雜盛衰竟何常赫赫張廷尉始自貲爲郎次公
困馮翊卒以廉平將古人重功名作吏蓋偶嘗何爲若貪
賈倍稱取相償

以我考課最奪彼衣食資請告司牧者慘惻活窮黎一夫
飢不耕吏不敢以糜一女寒不織吏不敢以衣撫字與催
科斂哉古人詞

封漁既以壞漢治猶率古我行南陽陂悠悠思召杜詔書
求農田得一失四五推行得幹濟強力心獨苦何所無遺
利胡爲棄如土

蕭曹載清靜畫一以興歌徒聞恥百里刀筆其如何政攝
非止沸法深滋犯科去蠹如去莠養民如養禾俗薄競銜
刀嗟嗟生網羅

峩峩去思碑郡縣悉如林史起風流遠國僑遺愛深惟
韓與趙聲華流到今惜其鈎距才乃愧儒者心戴星今
矣況乃問鳴琴

簿書既非才言之可酸鼻崇崇召父祠郁郁文翁肆孝宣
光中興藹藹多循吏烹阿賞卽墨一言齊國治如聞解帶

聲請下理輪使

感懷

高山朝眾峰巨壑吞百派波濤地爲坼空青落天外浩浩
懷古心悠悠閱年代年華日晡晚耆宿復誰輩迢迢戒長
途念我遠行邁危恐車折軸曠若蟻浮芥萬事不可料得
失豈在大古人妙相伏炯炯方寸內我乃能駕卿信更差
伍噲著鞭常恐緩折簡未敢致荒雞非惡聲中夜起長噫
志大常近疏才高竟何裨成敗爭一擲識者爲墮淚耿耿
壯士懷半擊唾壺碎勿以嬋娟子棄捐粉與黛勿以泥塗
辱快意風雲會常恐秋節至棄置素所愛夙聞桑下語獨
作淋側拜平生萬卷書此語未敢汰常憾妄近庸每惜進

難退君看金隄堅護此穴蟻潰終知生涯拙得到古人未
心事十年餘恟恍如夢寐對酒不敢飲胸間起鶯鶯長嘯
激頽颯浩歌振煩滯歌迴試把筆夜靜聞梵唄神物匣中
鳴時時起光怪

雨後

積雨漫寒流微晴漾柔綠煙波淡夕暉花影蕩空曲懷新
景屢遷逮晏賞未足暝色帶歸禽夕陰下遙麓山水能滌
人露氣襲巾服徘徊修竹間千竿洗青玉

春望

登高令人悲望遠令人泣徘徊傷春心日暮愁獨立迴颺
激廣袖牢落無與適湛湛江水深華萼蘭葉碧孤懷空脈

脈欲遣思逾積哀鴻暮來翔題鳩鳴向夕倚策坐餘暉
情送遙覲何意青山道孤芳歇瑤草何意萬里風浮雲西
復東

放歌

天陰雲黑北風作卷地秋蓬無住著驚飛野雀亂如蓬
起蒼鷹聳身落此時登高如有神風雲洶湧來翼身上入
元氣下無垠欲將蒼茫萬古意寫向天門向天陳試彈清
商作急調海中仙人方大笑東望洞庭萬頃波太息何人
老垂釣

觀插田歌

伯勞飛遲燕飛疾農夫告余以春及紺轅黛耜甫欲閑黃

嶺上坡且休息吾聞芒種擇地宜周官稻人之所司或云
頗近架田法以水殄草芟夷之古來布種疑未備劉章頗
能道耕意艱難稼穡不易得一莖一顆須手栽萬夫雲合
畦東西行列疏濶步武齊縱橫遲疾中界劃遠視但如鳥
啄泥淙淙愁霖十日惡土滑泥深沒脛腳田家瓦盆嚼雀
嘴但祝今年雨陽若平疇四野光如練萬點柔藍拂波而
支輕翠羽風欲飛曉綴明珠露猶濺東南沃野雄荆揚
百萬粟輸天倉安得薄海藝秔稻麥隴盡化沮洳場嗟我
農夫亦良苦勸農使者來何暮瞥見飄緜雉尾兒軟裘
馬催租去

劊歌

天靈地精會百神劍光行空斷奔雲降生神物靖風靈人
問恩讎何足云吾哀張司空東堂已事堪繫獻何況彈劍
兒終日行吟食無魚龍身虎精未易識手著寒鋒起秋色
蒼茫會合君莫駭子如當俟我當解

出東門行

君不見班都護白首西邊傷日暮又不見馬伏波交州銅
柱何嵯峨男兒馬革裹屍殊不惡生還玉關抑何弱龍驤
鳳翥不得意鷄栖燕壘終安託魚目混清水在將比明珠
車前無八駟何得稱丈夫子身西行誓不返關吏何乃求
分繻振衣華山蓮峰之絕頂驅車芒屨眞人之故都古
丹青所圖半刀筆豈有封侯之骨終蓬蓽明明上天星

涉泮書卷集 卷第一 百三十三
爛鬱鬱南山石何粲倚枕夜聽雞鳴且我欲橫天無羽翰
巨人力操萬斛舟長風不來水安流驂騶一朝一萬里時
無伯樂死卽休北風吹雲雪滿野仰天悲歌淚盈把男兒
枉作牛馬走亦知萬事終何有嗚呼萬事終何有試問東
陵種瓜叟

易水行

白虹貫日日光裂銅柱無聲殿流血英雄詎以成敗論至
今尙想衝冠髮彈琴奮袖魂始蘇祖龍夜醉胡姬扶宮中
已兆望夷禍殿上猶披督亢圖荆卿待客客不至武陽豎
子成何事當時不遣高漸離他年空擊秦皇帝

大梁行

高莫高於丞相門，匍匐擁篲求舍人。貴莫貴於將軍酒，四座避席誰敢與。前堂雜遝陳鐘鼓，主人不聞闐者怒。紛紛干謁走如雲，車茵醉後無人吐。我曾一看叢臺花，邯鄲樹栖啼鴉聞。有大梁公子客秋風，何處賣漿家。

豫章行

豫章樹上頭，白鳥樹折巢傾墜。其雛烏飛啞啞鳴，枯株不偏仄。栖蒿蘆，美人繡衣貂襜褕。蛾眉窈窕妍，且都羞。東門曳華裾，素手采桑城北隅。清歌善舞誰爲娛，枉用帳誇流蘇。思遵大路攬子祛，使君五馬何踟躕。乍進欲退不敢輸，黃河一曲千里餘。水濁中有摩尼珠。

大隄行

大隄城頭烏夜啼，大隄城外花欲迷。
兒女盡道襄陽樂，人爭唱白銅鞮。
銅鞮復銅鞮，春草正萋萋。
朝遊襄陽暮，日日落岷山西。
復西漢江春水如油綠，正值宜城酒初熟。
大隄女兒花映肉，買盡千金歌一曲。
可憐游騎聯翩來，人解道羊公碑。

古釵吟

桂宮青鸞下紅霧，側眼迴身避人妬。
長安古工琢玉釵，羽流風葉交互美。
人照井底銀瓶灑水溼，衣生紫瓊鱗。
青絲挽未起神燕，上天何處尋千年。
玉精埋不得血痕，帶苔花溼莫言棄。
置與時黑猶含光，景生顏色當筵窈。
爲君舞萬草千花，失遙君拂拭報君憶。
君不見長

當時被寵人咫尺君門丞相失

孤柞嘆

有序

督備闢牆隙地爲圃有柞當路落而爲薪傷其材雖大而不能適於用乃竟斧斤以死古人云以不材終其天年斯語豈其然與感歎之餘倏然有作

龍鱗兕甲雲垂地百尺攙天入天際斬以斤斧引以繩谷倒巖摧條樵悴森然古色據當路故老不知幾年歲孤根裂下劫灰餘鐵幹排空走元氣屈曲慙非樑棟材支離委絕亦可哀土人言此無所用殺伐不異草與萊吾聞物以不材老惜其自養到合抱乍可蕭條淩雪霜忍看埋沒隨百草翻思物理豈有極漢宮五柞亦蕭瑟垂楊裊裊不自

持太息風前爾何物

猛虎歎

近鄉里有虎爲羣兒所斃傷其神物以爪牙自殺也感而有作

虎乎虎乎爾當力鬪斐明腰下弓不則生飲故李將軍沒
石羽豈有軒然雄俊姿羣兒制之猶腐鼠乃知變化要有
神天生爪牙能殺身貪饕狼豕彼何物柰爾攫肉分遺腥
金眸血吻死猶怒腥風慘澹含精靈古來快意有傾倒生
死須臾爭一擲偶然一跌不足論鉅谷深山失顏色乾鼎
神物吁可哀咆風夾起皆崩摧不聞貪殘爲身累嗚呼
安在哉

擬張平子四首

紆千山頭凍煞雀何不飛向生處樂男兒墜地須錢刀一
如揚馬不得驕五雲纒紛龍滿朝君獨何爲向臨洮使
懷思心鬱陶

秋風蕭颯桂枝枯寒巖夜聞珠雀呼荒榛叢林泣殘露
孫不來歲將暮滄浪之水清可浴君獨何爲在空谷使
懷憂步躑躅

紛紛蘭蓀襲之蕙汨余遊乎鮑之肆吳羅當歌越紵舞
與睨乎褐之父前飛禿鶯後老烏君獨何爲在泥塗使
佇立久踟躕

東上碣石觀蓬萊上有玉闕與金臺潛蛟無聲山鬼泣

風吹丹作人立洪濤怒飛石磴磴君獨何爲泛溟海使宇
煩憂失容彩

飲酒

通明不入尙書省三十六年奉朝請自說頭顱已可知不
如高卧雲山頂竭來長安柳始芽秋江倏落芙蓉花青霞
白雲不爲意但惜無錢還酒家長安甲第如雲起袞袞臺
端照珠履纖兒盡解數樓臺知有人間幾山水吾憐張仲
尉蒿萊常沒人頗慕鄒子眞谷口甘沉淪東方大隱稱許
仙苦與侏儒爭俸錢歲星沉沉不到地孤負悠悠十八年
斜陽古巷情懷惡耳邊但聽烏聲樂長繩繫日亦何心步
半荒雞眠不著丹谿乘螭可友長揖青雲試揮手縱有

千秋萬歲名何似當前一杯酒秋風浩浩吹滹沱驚濤怒
飛翻濁波黃塵蔽天欲眯眼枯草荒原鳴橐駝酒酣興極
憂思多四座請聽我獨歌乾坤萬里一回首嗚呼柰此溪
山何

鴨鵝洲

目中不見岑牟衣耳中不聞漁陽鼓淋漓大筆照人間寂
寞荒洲一坏土吁嗟彌生氣如虎不死阿瞞死黃祖景升
殊自媿英雄何況千鈞爲麤鼠避世當爲龐德公戮死甘
爲孔文舉千秋孤鳳擲鴻毛落日憑欄淚如雨

過李文正公墓

畏吾村邊古時路枯樺亭畔婆娑樹落日荒榛不見人誰

道先朝相公墓公昔承明當直時經綸密勿天下知昇平
宰相風流盛館閣文章後輩推晚逢北寺縱橫日老臣心
事變時極伏闕徘徊薄俗嗤孤忠調護先皇識白首丹心
二十年每聞憂國涕淚漣高皇社稷一朝正朝廷無事公
歸田康陵已事成倉卒後來論者何翻覆大賢之後并凌
遲慘澹秋風號宰木零落遺阡事惘然諸公高義薄雲天
曾無碑碣人間識可信衣冠夢裏傳南中耆舊當時少誰
容尙書亦元老江湖廊廟各有意男兒何必抽身早青史
幽沉合一伸功名節烈兩難論千秋隕涕封疆獄遺憾中
朝無此人

謁于忠肅公祠

松杉夾道青離披忠泉歎湧甘若飴興亡歷劫已陳迹衣
冠再拜尚書祠讖成雨帝久銷歇尙想前代蒙塵時覆車
之時有顯戮矧以禹乘成俘纍天傾地陷日月昃公以隻
手撐持之南宮再御實誰力姦諛項領元勲夷彌天之功
不賁死與人家國空爾爲裕陵晚悔竟何及青山白骨徒
漣漣小人富貴亦安用駢首磔死飼犬豨精忠大勲照弓
壤到今廟貌高巍巍易儲復儲兩疏在前史雖佚存其詞
後人苦口肆排詆無乃醜正叢彈譏鄂國墓道亦鄰近忠
魂毅魄相因依千秋冤獄兩少保呵壁問天天豈知周回
兩廊撫遺碣凍雨蕩滌前朝悲出門胥潮正怒湧搔首爲
公垂涕洟

西臺

疊山一去文山死宋室孤臣竟誰是乾坤無地著斯人獨
向西風望柴市悲哉九州似鯨駭歌成朱鳥無人解胸中
碧血眼中淚地老天荒向誰灑六陵冬青啼杜鵑高吟啼
髮當青天至今嗚咽灘頭水猶似西臺痛哭年

沈湘耆舊集卷第一百三十六

新化鄧顯鶴湘皋編輯

湘陰左宗植仲基校訂

蔣季子湘垣近世詩八十一首

渡河北望

征車千里迴邊雁暮雲哀落日滎陽渡秋風廣武臺河聲
浮地去山勢負天來莽莽中原闕屏藩亦壯哉

咏史八首

黃金臺上草蕭蕭又報將軍夜度遼大漠盡懸秦日月角
弓新賜漢嫖姚圖書樓閣金泥黯玉冊風沙紫塞遙三百
年來殘劫盡莫將遺迹話前朝

步瀛香齋集卷第一百三十六
城下江湖寂寞回萬山秋色城蘇臺屠沽投間寧天意異
越偏隅少霸才北闕何年重酒龍衣無主竟飛灰景賢
亦有三千客不逐田橫島上水

帷幄陰符竹帛存勲名一代里璵璠牢籠南北無遺策指
畫天人奉至尊臺閣衣冠資賈鄧雲霄羽翼失鸚鵡倉皇
日暮吟梁父憔悴梧桐未忍論

絕塞飛騰戰伐名潁川遺壁尙縱橫勒兵玉壘春無樹此
劍滇池血有聲一箭親承麟閣畫祁連虛象漢臣瑩蒼生
不了英雄憾落日蕭蕭照故營

男兒何不上雲臺葱苊明珠萬古哀周市怨深秋草碧
山人去浙湖來丹書券誥千年誓汗馬關河百戰才一代

勲名青史客幾人東路角巾回

黃沙白草暮煙昏萬騎分營擁薊門遙憶上皇巡玉塞當時天府策名藩盧龍日落旌旗見遼海雲深虎豹屯回首可憐鼙鼓急開平遺事不堪論

空聞逐燕舊時歌勲業曾無馬伏波又見銅駝悲暮雨公然鐵騎過天河老臣帷幄論兵短先帝辛勤養士多抗疏無成甘就死侍郎終古憾如何

風塵四海久崩奔一夕豺狼叩九關義激貂璫猶死國時危臺閣不酬恩鼎湖去日天應泣精衛填時海欲翻秘殿玉音嗚咽在遺黎垂涕望陵園

讀史雜興十八首

滿目花飛亂客愁 圍歌舞去悠悠山圍建業青如黛水
到秦中咽不流關塞極天雲氣重樓臺滿地雁聲秋長安
城外東陵客忍向西風憶故侯

黑風吹霧暗蓬萊弱水西流逝不回前度人歸看別鶴他
時劫罷賸殘灰曾邀仙露雲間下虛望鸞車海上來金盃
茂陵銷歇盡豈宜重問集靈臺

西湖一夕水揚塵大漠風迴日月新千里雲山無過雁六
陵花草不宜春冬青有樹埋龍骨白馬空嘶向玉津圖取
東京舊時憾清明無限上河人

龍蓋非復帝王州玉帳牙旗盡列侯地坼江河從海溢天
尾向西流六朝裙屐奈淮麗二月鶯花水閣幽簫管

只今零落盡不堪回首庾公樓

落日西風漉酒后隔雲遙奠屈原祠天高自古應難問魂
去重來未有期帝子不歸悲北渚丹邱無路載雲旗沉湘
處處皆秋草憔悴香蘭欲落時

江潭自古行吟地江畔春來杜若芳悵望荆湘仍涕淚每
從耆舊論興亡丁年賈傅終辭國白首龐公但采桑可惜
南中文物盡嶺雲衡雁倍蒼涼

城郭還應似昔時風流遺老至今思殿荒虎氣猶圍井石
泐桐花尚墨池詞賦陸機陳祖德循良朱邑有靈祠千年
魂魄曾遊地不爲遼東化鶴悲

英雄不合老蓬廬麟閣勳名定有無匹馬燕臺論霸略短

衣秋雨讀陰符三關朔氣迴邊雁絕島風煙護薊都試
單于臺上望焉支山淨草模劔

天回北斗迴臨關十萬征人駐紇于戍外論兵秋出塞河
條橫藥夜登壇霜侵玉劍飛花溼雪壓龍沙度馬寒記
嫖姚追寇地薊門西去路漫漫

海外諸蠻道路遙冥冥煙雨颯寒颺天圍銅柱沙無際
人珠崖瘴未消嶺外黃茅春賽社灘邊戍鼓夜驚潮喜
千羽修文日歲遺珊瑚貢聖朝

日轉皇都曙色分五陵衣馬客紛紛欲乘碧漢三秋水
度春明萬里雲山壓蓬萊浮御氣殿回劍履動星文八
最奇相如賦奏獵書成恐未聞

如此亭臺車馬稀
煙疏雨閭斜暉
玉魚金盃無消息
蕩
碣秦碑果是非
湘浦雲深斑竹台
楚天春盡鷓鴣飛
年年芳草淮南路
聞道王孫尚未歸

雲飛北雁渡汾河
嫋嫋垂楊颯逝波
夢雨神遊瑤瑟地
楚天聲斷竹枝歌
秋深南國生紅豆
日暮西風散女蘿
欲折瑤華寄相憶
美人天遠悵如何

玉作樓臺珠作林
無邊高館五雲深
華星夜直三台位
老鶴風生萬里心
終古雲霄同悵望
百年天地幾飛沉
江東最有鱸魚美
多恐秋來思不禁

日落天高風叫呼
雁行搖落滿江湖
雪飛梁苑人皆散
秋到淮南桂已枯
往日朱門餘劍履
古來高士半菰蘆
王戎

老去嵇康死寂寞黃公舊酒壚

長劍誰能更倚天慙將拂拭比龍泉
吹殘壯士西風淚聽盡當筵蜀國絃
西北浮雲無定所東南日出只高眠
杜陵韋曲相望遠孤負雲山二十年

蒼茫已隔萬重雲地迴天高不可聞
日暖山川浮玉氣馬來西北盡龍文
無絲可繡平原骨有酒當澆郭隗墳
曾是

大梁老賓客夜深風雨過夷門

高閣風迴起暮寒蒼茫獨酌酒杯寬
去來已悟塵沙劫事業終從老大看
天地此身隨旅雁江湖何處著漁竿
沅湘香草依然綠楚客於今倦倚欄

又讀史三首

六印歸來白羽輕，浮生於此幾枯榮。
孤桐百尺忍半歎，大鳥三年俄一鳴。
鷺跼暮途思款段，雀羅門巷見交情。
時人解作閒居賦，浪笑高車夾道迎。

絕代紅顏尚浣沙，苧蘿春色玉人家。
聽殘珠絡青門鼓，開遍東風紫陌花。
爭遣爲媒憑鳩鳥，似聞無匹怨地媧。
六宮脂粉皆顏色，回首昭陽日又斜。

倚劍高秋白日寒，英雄從古笑儒冠。
千年戰地勲名在，一卷陰符後代看。
人物升沉觀歲暮，晚途蹉跌見才難。
樊鄴盡有封侯骨，寂寞淮陰舊日壇。

讀陸公謫忠州事書後

內相十年淪謫地，君門何靳早投簪。
賜環垂死嗟奚晚，報

國孤忠更不慙痛哭只聞陽諫議行吟何異楚江潭卻思
衣白當朝日不薦先生薦竇參

無題四首

飛雲無際水溶溶回首東風隔萬重湘浦有蘭勞楚望海
山無樹老秦封霜寒鬢影悲明鏡夢斷花時怨曉鐘寂

玉臺臺上月夜深開照碧芙蓉

山木蒼蒼寒映煙青楓斑竹聽啼鴉行雲未信終歸嶺波
鏡何緣卻上天風靜爐香沉甲帳月明環佩泣丁年玉
錦瑟分明甚細數當時五十絃

曲巷車聲隱隱雷西堂蠟淚漫成堆袖中不滅三年字
裏相思一寸灰青鳥無情將信斷瓊花何意向人開茂陵

親見昆明劫不道秋風只費才

風外垂楊落絮殘疏簾細雨傍人寒詩成惆悵爲拌別夢
覺徘徊數倚欄歷劫蟲沙觀去住廿年人事異悲歡江南
紅豆經春發只恐花時不忍看

感舊

棕屨桐帽野情宜略似嵩陽貨畚時白眼看人投社少
山容我放杯遲衣冠耆舊非當日文字因緣感夙知太息
長源爲煨芋求仙終後十年期

遣興

泣露驚霜竹影寒風淒月黑雁聲酸獨醒無奈心先醉已
覺猶驚夢未安名士每嗟頭白早文章欲到汗青難莫論

五百年間事只與銅仙忍淚看

閒居

飛泉漱玉瀉清渠絕澗停雲伴索居百衲素琴三品石滿
庭黃葉半牀書洵閒歲月名山在高卧江湖鬢髮疏爲問
淮南舊賓客連蜷桂樹近何如

雜聲

木落山空水欲波夜深露氣冷星河聽雞忽訝三更盡破
夢俄驚一夕過伏枕不成中夜舞惟人漸老此聲多劉琨
祖逖渾閒事 羈人柰爾何

松

雲雷古壑晝陰沉幽徑惟餘積蘚深手種幾年成老大林

居無雨亦蕭森山空石老人孤立露下天清鶴一吟莫倚
雪霜矜晚翠且教堅護歲寒心

偶述

飛騰前輩俱黃土搖落風華難里陳如以時流論高格稍
於芟剔露清新不名一體波瀾濶力破諸家法律真閭巷
紛紛誇粉黛可曾親見藐姑人

野望

重雲疊嶂鎖松梧落日風高猿嘯呼秋色蒼然驚鬢髮漁
歌是處老菰蘆山連五嶺遙通粵水散中江盡入吳欲就
襄陽耆舊語近來猶有姓龐無

拜李元禮墓

鈞黨刊章漢祚空千年毅魄闕幽宮諸儒共豔同舟日異
代猶高破柱風晚節囊頭同孟博早時捧手歎符融人
模楷依然在蔽罪清流恐未公

張文獻公

少日高懷感遇吟暮年終戀主恩華軒海燕徘徊久
扇秋風歲月侵去國動關天下計臨危因見老臣心
遺憾成千古不獨淋鈴淚滿襟

河湟

鳴沙戍角動臨洮列障河湟部曲豪塞馬夜嘶青海月
雲寒照赫連刀玉關投老羈臣淚屬國畱屯使者勞
都護平時無一事夜闌酌酒七星高

塞下

賀蘭千嶂與雲齊，白草橫天雉堞低。
古戍軍聲嚴夜月，清秋邊思入征鼙。
寒原木落雙雕急，絕塞風高萬馬嘶。
蕃部不須窺四鎮，漢家都護在安西。

秦關

秦關自古戰塵昏，鶻野山川氣勢尊。
太華西來橫左界，大河北折出龍門。
地形阨塞蟠三輔，秋色蒼茫入五原。
卻望崑崙論將略，漢家天下將軍。

灞陵

腰間龍劍漫星文，篋裏陰符閣不分。
蓐食邊庭多歲月，嚴城鼓角動風雲。
三河年少生輕敵，九塞威成盡勒勳。
他日

灞陵亭下過何人知是故將軍

南還次巴陵

江水迎人似有情
霧帆煙楫送歸程
路經楓菊隣秋老
地近林泉覺夢清
雲外舊山麋子國
湖邊疏雨岳陽城
西風一夕巴陵酒
悵望雲和萬古聲

倚戶

蕭蕭短髮不容梳
倚戶看雲落日餘
松菊園林存舊雨
江湖波浪泣枯魚
疲驢暮雪三關路
老屋寒燈一卷書
獨立其誰論出處
西風白露下庭梧

谿上

積雨欲歇天際晴
薜衣蘿帶繞谿行
斷雲歸雁無數點
古

蒼空林時一鳴巖霜歲晏松菊秀扁舟日落江湖情西望
獨釣者誰子坐對江猿吟翠屏

又谿上一首

亂流迴合繞村斜野客來乘白鼻驅得失世情爭虎鼠屈
伸吾道似龍蛇半溪微雨重陽酒一角青山隱士家莫放
漁歌聲欸乃恐驚鷗鳥入蘆花

卽目

楓葉初凋塞雁過樓臺落日半臨河銅聲怒馬風嘶撼鐵
色老魚晴湧波名士無多難命駕秋光如此只高歌沅湘
日夜東流水香草離離思若何

入山

真成江漢有垂綸，嬾慢無心問大鈞。
萬事不如騎竹日，太平何限卧雲身。
寒冰鄰笛淒淒動，織錦機花簇簇新。
只惜河汾歸隱後，入山終愧負苓人。

落葉

落葉翻飛到酒杯，支離心事向誰開。
海天霜老青雕急，關樹秋空畫角哀。
仰屋竊言天下事，救時深念古人才。
庫車廢馬非當日，長嘯西風百尺臺。

再賦落葉一首

古木寒雲共一林，榆關桑老橘村砧。
蒼涼似失山川色，搖落深知天地心。
邊雁度應憐影斷，夜烏啼怯寒侵洞窟。
波闊秋風起渺渺，懷人思易深。

悲秋五首

古巷閒門草色深，庭梧覆地作層陰。
紫芝白石有幽句，老鶴高雲無近心。
獨夜疏燈愁暮雨，誰家別思入孤琴。
青松黃菊俱堪憶，感舊悲秋不自禁。

西風黃鵠羽毛垂，矯首江湖有所思。
世事回頭如昨夢，人生行樂待何時。
秋江螺甲今宵酒，蠻布弓衣舊日詩。
堪笑金門臣朔隱，苦將囊米訴朝饑。

擾擾車塵不耐看，敝衣羸馬尚長安。
浮雲倦翼有歸思，老屋高槐生暮寒。
旅食地偏酬對簡，客遊金盡去畱難。
一杯濁酒難成醉，潦倒秋江學釣竿。

獨夜悠悠萬里清，明河射角欲三更。
當杯不樂離人淚，破

屋無眠老雁聲露氣欲寒驚短鬢尺書未達數行程西風
木葉蕭蕭響搖落秋思滿鳳城

涼颺欲動愁微柯瀟湘洞庭驚素波美人相思隔秋水明
月入戶當清歌鶴聲冉冉度林樾露氣肅肅沉星河遙夜
空庭耿無寐滄洲清夢待如何

述懷四首

五雲宮闕肅鈎陳禁近恩波雨露霑新閣道寒星隨豹尾天
門朝日射龍鱗 聖心虛佇詢黃髮春殿從容引近臣
草莽願聞勤獻納漢家宣室待何人

銅龍丹鳳矗千春勲業雲霄復幾人七葉金貂聯甲第五
侯門館接朱輪雄飛不少風雲氣國論深煩老大臣上相

承平開闢日古來容易薄平津

金門詔下分符客思給除書拜玉墀柱後帶冠非此日淮
陽卧治想當時憂深溝瘠須援手俗薄椎埋可察眉肯念
閭閻貧到骨未妨長誦道州詩

黃淮衝激浪浮天截壑爭流勢浩然沉璧未休東郡役司
農猶急水衡錢津門疏洩宜籌策南國征輸有歲年莫使
宣房勞 睿慮汴渠遺續古來傳

寄懷同事六首

薊北煙霜滯歲華夢迴長路繞天涯奏書白勒三千牘奮
舌虛論五十家久客風塵憐布褐舊溪春雨長魚蝦長楊
亦是尋常事想像柴門著釣槎

一代風騷不易尋，橫流滄海到於今。
懷胸欲滅三年刺，繞指徒傷百鍊金。
神劍飛沉知有數，孤雲去住亦何心。
無人解道黃河句，獨對西風憶舊林。

荆南薊北三千里，驛路衝寒去馬遲。
霄漢自知遊汗漫，雁鴻無那影參差。
十年偈仄登樓口，一代才名入洛時。
日金臺長把酒，定應回首倍相思。

春草萋萋春水波，關山迢遞客中過。
天圍絕塞蒼茫盡，地入中原感慨多。
戍外雲煙催白日，馬頭殘雪下黃河。
不知夜火停車過，曾有人來扣角歌。

書成銀筆幾人登，惟數湘東品第能。
風雨對牀仍舊約，文章一室似傳燈。
天門日曉開龍尾，鵲觀雲飛接玉繩。
誰識

城南兩枝桂杜陵文物古來稱

匆匆前度唱離歌搖落春心一刹那遠道殷勤勞尺素憐
余辛苦怨微波東風日夜蘼蕪綠南國汀洲杜若多此去
有書難定達別來衣帶近如何

哭伯兄二首

執手倉皇萬事非憑棺一慟失因依弟兄此別成終古日
月無情遂落暉後歎何心嗟蒲 胎殞身無地與同歸蒼茫
不省人間事漸覺窮途歲月稀

當時薄俗忌剛腸晚歲規模近老蒼脫略時流緣跌蕩主
持公論見精強高于嵩華平生氣傳與文章子弟行浩劫
乾坤容不得脫衫掀帽去堂堂

六言八首

無可柰何世事不堪把弄年華老驥垂頭白惜修蛇掉尾
誰遮

橫槩信多慷慨捉刀殊更英雄莫道無人能識波斯碧眼
雙瞳

嵇康一生好鍛邊韶長日耽眠正自胸懷爾爾不須嘲諷
紛然

笛步胡牀三弄剡溪雪夜孤舟主客底須酬答來往殊亦
風流

元豹欲澤七日大鳥不鳴三年靜中且須駐足險處未要
先鞭

世態雲翻雨覆道心橋木寒灰四皓商山噫去五柳彭澤
歸來

天上浮雲可嘆世間名土無多昨日青衫重到黃公壩畔
經過

太史自同牛馬東方且作龍蛇座上一樽北海篋中幾卷
南華

沅湘耆舊集卷第一百二十六終

沅湘耆舊集卷第一百三十七

新化鄧顯鶴湘臯編輯

湘陰左宗植仲基校訂

陶文毅樹

古體詩五十一首

澍字子霖一字雲汀安化人嘉慶壬戌進士改庶
吉士散館授職編修改御史歷掌陝西道江南道
監察御史吏科戶科掌印給事中巡視中城東城
南漕察院出爲川東兵備道福建按察使調山西
按察使遷安徽布政使升安徽巡撫調江蘇巡撫
加太子少保兵部尙書兼都察院右都御史總
督江南江西等處地方提督軍務糧儲操江兼轄

江南河道管理兩淮鹽政 賞戴花翎以病乞假
解任終於金陵節署 特旨入賢良祠 予謚文
毅公抱負奇偉少有經世之志自官翰林卽以擔
當天下爲已任暨居諫垣所言多軍國大計

睿廟覽奏稱善知公可大用 今上登極最先
擢廉訪使躡躡封圻總制兩江凡所施設夕奏入
朝 報可明良之契殆無與比公通達治體慷慨
任事力肩艱鉅不避疑謗在吳久偉績不一而足
海運浚吳淞江改行淮北票鹽尤能力排羣議以
成厥功性坦率喜博覽篤嗜風雅畱心文獻於地
形水利尤所切究嘗登塗山以望淮河登虞山以

望海登雲臺山以覽淮海形勢所至賦詩紀事俯
仰今古盱衡時事隱然以一身爲江淮保障自公
卒後東南乃稍稍多故其所樹立亦足以表暴天
下矣余與公里居不遠弱冠同踏省門迨余計偕
留京公已負詞館清望余性拙不慣詣人於同鄉
京朝官惟何文安公以同年誼時一往還餘少結
識者公聞余至輒先枉顧故蹤跡稍密憶自乙亥
客維揚公視漕南來時唐陶山丈亦請急寓淮朝
夕過從交以湖南詩徵相勉嗣公開府吳中余仍
畱滯淮南每見必縱談及此別後手書甚勤無不
諄諄以此事誣諉丙申秋公假歸道過過余冷署

一宿時方蒙

御書印心石屋四大字奉

命恭鐫資江石壁遂商訂資江耆舊集許爲校刊
又明年余乞假攜稿走謁金陵而公已病矣然且
力疾披閱上板書成而公薨訃至薨前十日手書
寄余猶眷眷全楚詩徵不釋也性至孝嘗以父鄉
賢公未享大年不及見其大用爲憾往視漕時以
余與太公有紀羣之誼奉莢江詩存文存屬爲校
刊至於銜感泣下其至性類此公狀貌英偉方頤
虬髯絕類湘潭陳文恪公生平宗仰效法亦在於是
晚歲自號髯樵又號桃花漁者所著書刊行者
有奏疏八十四卷印心石屋初稿四卷皇華草四

卷蜀輔四卷撫吳草四卷近吳中有文毅全集刊

本末見茲僅從篋中所有搜輯爲二卷編入斯集

以志其概殆未足以盡公也無錫秦侍郎瀛云陶

寫思力團結音節近何李一派而識論軒昂直欲

過之蒙古法祭酒武善云子霖詩各體皆工而登

臨懷古之作尤覺俯仰上下蒼茫交集才學識兼

擅其長直可稱爲詩史矣長沙周太守有聲云子

霖詩雄奇磊落蘊藉情深李杜韓蘇無所不有元

有宇宙之大文奇文求之古人集中不可多得元

和韓侍郎對云公之撫吾吳也與康熙中滄州陳

恪勤公風概極相類政事之餘發爲詩歌以少陵

之風骨運長公之氣魄鴻識偉議起越前人元和

吳先生廷琛云愛民憂國之心出於至誠故每一

矢音自然流露南城中飛屐云印心而出是爲

眞詩其雄偉之處如衡山洞庭秀麗之處如湘蘭

沅芷李茶陵後一人也元和顧學士莼云議論魄

力皆臻絕頂學問深厚又足以副之感時紀事諸

大篇固足以見忱悃即一二酬應適意諸作性情

亦自流露吳縣石墩撰蘊玉云豪情勝韻超邁等

偷且懷古撫今觸事成詠每於吏治戎紀必有寄
託一篇三致其微經世之盛心不徒爲畱連光景
而已歛朱學士珩云格老氣蒼在揚勸水五古確
是壯京口開河七古確是韓而仁心碩畫則古大
臣風裁也歛程侍郎恩澤云先生撫吳偉績卓卓
人皆震先生才識之大不知才識生於學古名臣
碩儒莫不以所學爲事功其支濫爲文辭由先生
之文辭驗事功驗才識驗所學靡弗貫弗如獄之
重如江之永有本者固如是也臨川李侍郎宗瀚
云雲汀詩無體不妙蓋寢食於唐宋諸大家而才
識又足以佐之故能卓出流輩抗衡古人激浦嚴
廉訪如燈云七律突過陳臥子七古亦在李達以
上沈雄頓挫直登浣花之壘見解高論大達以
真氣此可擔當事業宏由腕撫移節江蘇於時黃
上元梅伯言曾亮云公由腕撫移節江蘇於時黃
流未安方建海運發徵萬艘復鳩水工疏決江海
皆歸勞於公百政具修時民大和而公神氣問定
盤錯不形發揮旁通歌詠閒作學輿才膽雄放清
遠如捫古洞撥苔披黃農之宮碑如萬歸風決
縱魚龍而出隘如萬峯游霧俟秋雲而歸風決
人所不暇爲不能爲之時而公獨爲且工也昭
孫子滿漚云公撫吾吳之四載政通人用百

具舉以問濬吳松江之役紆道常熱登虞山而望
海慨然思興復白茅之水利因出示撫吳草受而
讀之鏘然如韻獲之鳴需然若江河之決油油然
若春風之被入罔不煦嫗而和悅也可謂精深而
博大矣孝感陳罔不運鎮云吳之財賦甲天下頻
年以來民力竭矣因水之利而召水之害河高而
淮病湖漲而淮揚病吳松淤而蘇松數郡病於是
賦細民困治乃大難此吾鄉陶雲行先生撫吳諸
詩所由慨乎其言之也先生勤於求治事在必舉
而動輒有成其意有白得不自明者而其旨微矣
詩至發於詩有自明有不自明者而其旨微矣善
化賀中丞長齡云道光乙酉明者而其旨微矣善
吳時則高堰潰河道梗災報沓至而議海運者又
復言人殊中外惶惑公至則定計奏行尋喙頓
息政無鉅細次第咸理更以餘事發爲詩歌其中
拯吐飭吏若水利農田諸大政以及一吟眺一酬
答罔不有籌國濟時遠慮令人得於意言之表
新化歐陽礪索紹浴云嚴重中初極清婉筆墨外
別其聲情見者知其暢所欲言如探喉
而出不知其字字皆自苦吟中來也

乃有此廬落成二首時臘月朔日

梁燕構泥窩滴滴口中涎蝸廬挂一殼聊足供盤旋仲冬
月幾望我居方卜瀝嘉平之朔日斯于詠新篇旁觀詫神
速謂我工力專豈知道旁築經始已多年泣思先子時嘯
歌一室偏老屋不三閒瓦缺無全椽左右交衆木支撐防
其顛清風出四壁星月搖牀邊賓客門外來宿宿紛輜駟
一閒割爲二寢後厨當前中夜兒女嘯隔壁驚客眠豈不
甚跼躑處素良自然憫此屋與基購置百千錢辛苦舌耕
積刮毛未成氈方期歲有秋出幽謀喬遷詎知玉樓成促
召還諸天回思住世日未獲一夕便畱貽有舊址一簣忍
棄捐永懷肯堂構淚下如流泉

日月迅跳九卅歲又一夜

自注先日余
三十初度

壯氣卓心旌驚起

中宵臥邠人喜廬成爲壽且致賀入門挈榼壺香醕傾
糲歡言各有情抗聲起高座謂子行出山志固異田舍大
庶果如懷何必吾廬破繩樞貫難仍固宜需改作多謝父
老言此舉實無邠丈夫宅四方未遂謀閒暇我有十餘口
無田可耕稼長安亦難居豈能同稅駕欲爲處者處聊用
庇冬夏要知白屋中不少公卿亞先人有遺慶門戶何當
大

長沙別子晉四首

久聚日忘樂遠遊情益悲涼風吹五雨別我湘水湄湘水
何冷冽客路何逶迤雙槩劃南北頃刻天一涯情話諒已
悉意若有餘辭握手苦難盡且復立移時

結髮爲弟兄聚少離偏數少歲痛失恃家道况蕭索我隨
阿父出頭上纜總角君隨世父居田閒忪跳謔晚隨牧笛
嬉朝學樵斧斫十七君始讀乃得同鐙幕逾年我入都維
塵濁京洛北轍復南轅蹤跡風邊擗飢驅地無常彼此相
思各歲晚每一逢對面淚如濯但見乃兄窮誰云家弟樂
辛苦可憐蟲慚愧同林雀

憶昔甲子春北上辭阿父牽衣拜膝前顏色慘仰觀阿父
見兒悲恐兒疏進取謂我頻年來益知慎寒暑瀕死尙可

回自注壬戌夏大人避疾甚危遇異人與藥得愈

矧茲疾良愈平生許

國心負

荷當狂汝汝弟送汝行汝行毋自苦臨行自強起送兒江
之許舟行候已遙雙淚望如縷誰知罪戾深隔歲悲何直

欲養竟無由，愴極升與釜艱難。又此別淒惻，愁風雨痛絕。同來時不聞阿父語。

鵲鶴古有詠，感慨悲乃兄。念君惇且樸，發語由中誠。送我一月來，戀戀如孩嬰。憐我浮雲蹤，歲暮方遠征。同行百餘指，赤手殊非情。寒暑語我慎，意氣語我平。宛轉辭彌摯，聲淚相爲并。拭手君勿淚，此意吾自明。生材天有用，簞瓢非所撓。書田餘百畝，舊業猶能耕。我已忘君處，君毋憂我行。但當共勉勵，勿墮先人聲。

祁縣

驅車過祁縣，中有祁奚墳。祁奚古賢宰，舉仇復舉親。我謂奚固賢，賢其君。知人其君苟，不賢焉辨僞。與真舉仇近，狡

猶舉親近要恩要恩庸情耳狡獪非所論古來老奸猾機
變險且神陽博舉賢譽陰以戕其身君看藍面鬼乃狡顏
清臣

趙城懷古

處父造石槨受命商辛主槨成商已亡報命無處所爲墳
霍太山哀告意良苦遂死霍山前石棺帝所予人臣忠所
事詎不論出處袁公殉蒼梧究自勝王褚苗裔周頑民晚
乃得造父屢傳襲晉卿食邑復茲土當時有飛廉助惡爲
險阻周師驅之東肝腦塗海澣處父亦飛廉名乃耦二五
致令千載下黑白無人剖太息羸火餘世家久無譜良楮
不同林讀書慎稽古曾參非曾參無爲妄授杼

國士橋弔青莽

自注青莽事
見呂氏春秋

刺客傳五人曹沫蓋知士專諸及聶政亂世劇盜耳志決
身亦殲荆卿與豫子荆卿初出時田光爲之死豫子伏橋
下青莽亦如是殺身明不洩慷慨起頑鄙所惜莽趙臣受
命祭奸宄自賊不辨賊得毋負任使伍胥申包胥公私史
交美李璣石演芬致命亦其理君親友三者未可一例視
泰山與鴻毛徒爲故人恥史公削不書諒哉宜有旨

猗氏縣

自注本佛伯邑始皇
以猗頓所居改名

祖龍混六合暴戾事屠剽詩書化灰飛功臣悉誅譴長城
骨不收慘澹神鬼眩獨爲寡婦清築臺示殊眷豈真鷹化
鳩錢刀枉所先有財善驅使坐致千乘援抑猶有說辭其

女本貞媛猗頓彼何人五特利徒擅人往財亦亡乃取以
名縣想當命名時意若有餘羨因循千載餘世事幾泡電
阿房已無宮甘泉亦無殿惟餘此縣名至今猶不變落日
下牛羊禾黍滿芳甸驅馬復何言傷彼貨殖傳

曉從孔道新過劍關

兩溪夾一崖一崖負數嶺嶺奇崖復懸轉轉頻易境我行
發牛頭露重天始翳稍來孔道新益覺所歷梗山谿俯犖
确百尺藤蔓逞獸蹶交松陰鬼面綴楓癭白日匿叢薄乍
忽露光景不雨晝亦陰無風暑猶冷行人緣秋毫倏若入
智井前者已及肩後者甫逮脛少焉後者升腳踏前者頂
踏趾尺寸閒欲速不得騁忽然天門開崕呀肖天挺十萬

劍橫磨寒芒閃秋影鑄錯鬼國鐵鏤刻周廟鼎高低既殊
形跛瘦不一等或爲犬牙齧亦作魚頭鯁凸如連菴翅凹
類伏龜屏前狼跋而踰後豕立而獷繹張若虎鬣獨仰若
兔頸柱撐掌擘華壁削斤揮郢乾坤浩無外到此直杯皿
想當開闢初內外限畦町森嚴堂戶閒環衛列森整當關
用一夫氣足千軍併緣何蠶叢來覆轍相尋盡徒憐入草
人悉與傭才並懷古動咨嗟行行還引領經過伯約祠月
出四山靜

定州西望恆山不見作歌

五岳視三公端冕而朝天四岳皆笏立獨恆如臥眠包絡
太行內體勢何繇延西望不及見奇蹤無由傳或云古曲

陽道里殊相懸迢迢渾源州寄祀此致虔往聞儒者言

帝都今宅燕北祀而南行於理未為便欲以醫巫閻與此

議改遷斯言雖有見其然豈其然神無所不在因地而寄

焉如其有定在神豈以人旋周家都岐豐太華處東偏未

聞以西故移之吳與嶢太皞都曲阜岱宗居北邊未聞東

海濱別有山不驚折衷貴稽古耳食徒談譏作歌聲山靈

雲光一笑媯

夜臥一首簡鄧湘臯槩伯華時在揚勘水

夜臥不能寐推枕自起立驟雨打篷來萬溜射桅急作勢

不可回一隙穿窗入飄飄燈燭光腐案管酒溼今年麥有

秋春雨頗周匝卦祓絲如煙處處見儲備屈指日開禾

稼行當納頻年饑饉餘待此望家給豈知陳登湖多年失

修葺一朝大雨行湧浪恣捲吸長隄亘一綫殆哉危岌岌

火符浦上來連夜啟壩牖始也三河開自注洪澤湖口門有仁義禮三河知

信兩繼之兩坦決高浪駕霾雲平地走川缺車南速中新

自注車邇南關一坦及中新二關洩水入下游地在高郵一一水響答岸懸魚鼈奔梁

起龍鼉踏昨聞啟昭關在甘泉境下游驚欲塔捨死臥坦頭干

人同一拉力阻既不能失勢媯石塌可憐稻如雲不得半

口呷紛紛哭且逃牽挽何雜遝前者挈甌羸後者攜筥篋

夫號縛趙遺婦呼箕帚挾稍稍見埂身延緣走相躡鋌險

等鹿麀渙散若鳧鴨露處蒲葦閒不辨姥與妾惟聞兒女

聲索食類吠蛤哀哉斯時民性命輕一葉此水從何來河

伯政啟醵側聞湖河閒崇論頗張喙或云北垣開庶使南
水攝或欲注之東改圖路更捷凡此遠大謨諒難蠡測協
桃花春水濃瓠子秋風澀人無黃鵠歌池有昆明劫我聞
清刷黃昔賢著成法收蓄既不能底用事畚鍤湖西濱打
里歲歲苦沙壓曷不取此淤以補東隄夾載之一帆耳能
用幾艘艘隄成水自滯淤去湖不狹以此策黃流豈在多
檢柙不然主客岐終恐成躓踏况乃民其魚何由拯困乏
罪言我豈殊因君慚汗浹雨止夜方闌如聞蛟吼匣

吳梅梁侍御請以唐陸宣公從祀廟庭有 旨下部
議行侍御寄示奏稿爲賦詩以紀其事

文章本性道源流故無異學問與事功用行體益備孔子

言不倦志在救當世鄒嶧匪好辨所嚴在義利晚近務虛
浮道治判爲二華言而樗行夫豈尼山意有唐有陸公鳳
負王佐器動物惟以誠肫肫期道濟興元一詔下悍卒皆
墮淚平生所獻納百篇悉仁義雖逆猜主鱗無改匡時志
吾君與吾學兩者庶無愧倘使游聖門文行兼政事縱非
淵鴛儔豈在求偃次云胡千年來增祀頗相繼而獨遺斯
人幽光任終闕欣逢 聖天子表章及純懿堂堂御史

君拜疏陳正議歸然東廡下木主煥新製頓興豪傑心快

作吾道衛豈非前後賢曠世一相值忠州我舊遊吳郡我

今莅豐碑雖有樹自往忠州人熊孝廉應其嘗索余書其碑守家

尚思置自注公葬吳縣今其地名爲陸墓陽湖陸祁生嘗乞余書本傳立碑尚未果際茲上丁

爲不盡高山企作詩詒吳君懷古發深思

鄧庭維先生松堂讀書圖應湘臯

老髯出鄧林家世修七業平生味義根幽討非目涉我未
見髯翁見翁之後葉奇氣茁天葩清芬宛可接不見溪窗
閒香風搖五鬣

洞庭四大水沅澧與資湘三水名最豔惟資天一方介處

沅湘開導源自都梁冠蓋所不至黯澹無由彰至今茱萸

峽落莫多孤芳我居石潭上君居臨小洋右眺梅銷城左

顧善卷堂神山高萬丈自注神山在新化安化之交俗云高萬丈也安能鬱不

揚君看老松骨終作飛虬翔因君述祖德益我恭維桑

聞翁昔教授桃花江上頭其南有卷阿蒼然山欲浮自注浮邱

山在益陽桃花江上
仙人浮邱伯隱處

其北亦有山清立謂之修

自注修山
卽湘山在

浮邱與軒帝仙跡如可求我昔侍先子樂哉臨斯邱惜不
不與翁遇虎溪一笑畱與君皆覩食慨然懷舊游

此堂不數閒此松已千尺人言宏景樓或云揚子宅枝高
見道心壽老參古格潤雨入孤根往往成虎魄因知浙瀆
深原是詩書液

滄浪五老圖詠

有序

滄浪亭旣成與蘇城諸老觴於亭上林木掩映水石回
環好事者遂摹繪爲五老圖五老者前內閣中書潘三
松先生奕雋已丑進士年八十八時方坐亭上右手倚

石牀而奕與之對局者前刑部尚書韓桂齡先生對丁酉拔貢年七十有一坐水窗持竹竿而釣者爲前山東按察使石琢堂先生韞玉庚戌進士年七十有二其一仰臥於笥石閒手書而觀爲前掌山東道監察御史吳玉淞先生雲癸丑進士年八十一最後一人拈髭而行吟蹙然若有所思畫手謂此老爲江蘇巡撫前壬戌進士安化陶澍也余年甫五十而畫者遽以老日余蓋嘗歐陽公守滁州年甫四十號爲醉翁蘇子由官宛邱甫三十三而坡詩屢稱爲先生然則余之得與於諸老人列也亦固其所執醬而饋執爵而酌養老之典尙矣刻邦之賢大夫乎旨酒既陳爰執筆而申之以詩

天氣秋後清水木疏以潔林花約客至乍放一枝雪招邀
敦古懽勝踐感佳節壺觴宜此地洛社風景別良會集者
英例我祝哽噎高臺送遠自流水鑑稀髮維時坐上客長
眉多老耄二老七十強二老齡逾八爛柯一局棋釣臺一
竿籠更有一卷書受之自黃石惟餘後一人倚樹孤吟發
未老顏色老論年剛半百杖鄉杖國朝公然與其列簪之
五老峯中有小山崑又若五老松一株雜栝柏天斲解衣
幘塵土洗鞢鞞杯茹葛井冽盤摘緩山核恍惚醉翁亭四
面青山色諸公本霖雨洒潤及曠陌已返吳岫雲尙記洞
庭月論文幕入賓自注玉松先生嘗入湖
南學使補公廷璋幕奉使星占客自注
三松先生癸卯典試貴州路經豐蘭與沅芷自注桂船先
辰禮琢堂先生癸丑視學湖南生嘗爲岳常

禮道又爲湖
南按察使 芳馨猶未歇今我來是邦面目湘山墜跡代
燕雁飛候偵鷓蟀革固知歸計 不及諸老決猶欣賢大
夫蹤跡不我隔兼葭寒露間一水城隅白方今 堯舜世
四生民已得攜持商山翁游泳華胥國請陳康樂書卽是
長生訣

虞山拜言子墓

三桓在聖門孟仲多良士亦有禮許人汰哉稱叔氏平生
議論閒師沒尙闕里何年南方來海禺有居址馬遷記吳
人所本蓋世史箕山許由冢考古多疑似我來昆湖南有
墳此高峙山名昉虞仲墓門復伊邇緬茲四科英再拜薦
潦水此邦富文學高讓亦前軌兩賢豈相阨何至煩鈞矢

自注周言二氏前因墓道爭訟屢年始息末俗愆乾餽學道宜使毋爲誚賤儒詩書敦耒耜清風颯然來松檜發宮徵慨想絃歌聲肅然增仰止

二月初九日赴吳淞勘工過嘉定之安亭鎮時新建震川書院於菩提寺左甫落成遂宿院中行釋奠禮紀之以詩

午過安亭鎮岸柳春風香縈紆小江曲古寺翳修篁云白赤鳥年歸然魯靈光往者頂脊生讀書此寺旁長虹韜氣焰獨鶴參回翔遺編守淳古四海有文章其時王李輩聲勢殊鳴張先生抱寂寞豎子任披猖獨攜二三孺講學來荒莊卒使鹿角折尊之韓歐陽於韓倘揖讓於歐綽相當

千秋一知已淚洒張茶鄉茲寺亦寥落薜荔被圍牆重是
先生蹟傑構起書堂仍借魯諸生采藻薦筐篚我行爲荒
度奔走汔未康歷觀水利書先生議獨詳太湖三萬頃吳
淞引其吭疏導有定勢小決嗤曲防不然涸太湖豈爲農
之慶斯真通儒言堪以福維桑湄題揭高閣未足竇表揚
一讀畏壘記慨然起傍徨

題滄浪亭新建梁高士祠

東漢多逸民避世慕高尚羊裘垂釣外伯鸞與相望太學
始受業博覽實宏亮不爲章句儒其志詎可量胡然賦五
噫去國如有悵是時當孝章朝無恙思從巢許遊遂
變衢民唱賃春力所甘冷爨氣穉壯至今伯通橋清波猶

蕩漾餘風厲頑懦高躅振頽放瓣香誰爲陳懷古思揖讓
滄浪闢一弓方伯實主鬯名賢五百人志行不同向伯鸞
出其閒禮絕分庭抗魂兮尙歸來莫戀要離壙作詩諗吳
人聊雪范升謗

題雪湖高士楊秬遺像

聖朝重忠義褒及勝國臣三王不書僞大義古今存尙憶
桂管閒夕景垂孤縉有臣瞿與張崎嶇力彌殫魄魄賦杜鵑
苦肉委烏鸞可來麻衣子痛哭將軍前身從瞿公幕瞿

公同危安瞿公今暴露請得襚而棺將軍初弗許四日淚

不乾淚盡繼以血白日風淒酸卒感包胥誠得歸先軫元

并收張都督下逮徐

自注將軍徐高與陳

自注參將陳世賢幕友陳科

此時楊

高士義聲騰三軍義聲旣以騰冥鴻何翩翩拂衣吳江上
吟詠終大年誰歟序其詩稼書言有云誰歟爲之傳南塘
述所聞瞿公畱守時有孫曰昌文聞關萬里外紀事成三
篇取以證斯傳往往符所言我昔虞山游弔古增畱連碁
碁拂水巖上有瞿公阡爰呼鴉嘴鋤爲種梅花根梅花顏
色好月夜來孤魂自注余游虞山爲祠雲與亭樹浩淼湖
光吞自注余曩陳芝楣觀察於虞山劍巖之上建雙護衛
忠祠以祀瞿張二公並作倚劍亭前臨昆湖
責守土敬以宣 恩綸自注二公於乾隆庸知日月照尙
年閒 賜諡
有幽光淪及茲攷軼事君友誼何敦滄浪繪像時惜未覩
斯人斯人在虞山已曾配松仙松仙不可見瞿張廟方新
容當作粟主劍巖分匏尊

次韻和張芥航河帥自黃河口出海夜泊開山口作
五行水生一浩浩天與配奠定自媿王距海功永賴泥橈
而山樛跋涉多淩汰疏瀹息橫流肯受沙石濺一自河南
徙宣孰時有誠水衡鉅萬貲但償河伯債白圭何代無高
議凡幾輩河渠與水經兩口哆然大函人矜爲甲衣之乃
苦齟未曾一葦杭底用三尺喙張侯秉節來時正分妬夫
十指錐畫沙寸心量就槩勤周籠雨餘備溢凌玉外攬轡
矢澄清滄瀛瞭襟帶頻年駐清浦曲直審向背淮徐邳宿
間何處不躬屈黃流飽中腕弩勢激迴瀨聞有攔門沙尾
間阻澎湃心雖不謂然境未與日會遂泛沙棠舟直指蓬
溟界海若果爲梗無難檄其悖譎言笑耳食外沙不侵內

河流自挾沙積漸已成闕因悟排決理洞澈了無闕業已
兩尖出何由一帆挂鼓勇挾雲奔飛柁逐電邁乾坤一搔
首惟見斗筐戴蒼茫滂泆閒坳堂渺杯芥方知鵬徙神益
信蛙居隘瞬息數百里風穩桅檣快三山與十洲恍惚青
浮碎蜃郎孳龍女倉卒失黠猶奇絕不負游驚定還作態
縱筆展蛟綃組詞麗島貝緘題遠見惠舟誼感共載猶憶
丙戌春海運趁新瀨其時高堰隄因風已岔潰神倉饑鳥
啄奚暇論美稗賤子蝨負孱集謀期起敗爰尋遑左途更
續瀛洲話初日出神山萬里開黠鬻振衣上高臺海氣盪
蒙晦舳艫轉余山鍼路南北對閃灼朝百靈翕氣狎羣怪
蓬萊琪樹杪望影多可愛蓮疑太乙乘靈已風伯丐頗饒

唱和什傑句幾人最

自注拙作海運初發吳淞磯臺四首刊首成帙

往事浮雲逝

遺跡桑田昧頻年牛斗閒佳氣矚卿靄仙槎任來往特有
張騫在既欣漉沈菑復此討流派氣壓鯨波橫力拄鼇山
壞此行小天下險若山登太因知爲水難曠觀窮利害竊
惟河與漕相倚如駟狼治河必以淮滌刷流可沛治河尤
以海建瓴勢始殺有侯拯鴻波許我偃虬蓋東南財賦區
曷以蘇困瘵更望經國猷政成資夙戒

曉發石門潭作歌

羣峯西來何崒巍簇擁香鑪

名山

千紫微六時天半吼雷雨

驚起山龍作石飛凌空跌宕不得住蒼然直向江邊渡古
色如鐵堅無倫筌兀橫流鎖煙霧五丁之力不能開巨靈

之掌何由來，劃然一綫豁。神徑屹立雙，戶頁奇哉絕。壁猿
猱不可上，一柱中流砥。尤壯勢接兩岸，森相向蒼穹。上極
下察淵，此中嵌空非一狀。波浸琉璃千頃足，四山搖影春
煙綠。資水一千三百里，一披猖歸約束。我家近距潭之
湄，日汲水月自注潭之上澆心脾。祇今扁舟又帝里，他
鄉還憶故鄉水。作歌一笑酌江靈，聞聲合有潛虬起。

縣上行

縣上聚何膺，膺縣上田何。縣縣縣縣縣，膺膺不可極。覽古行
人生歎息烈，山一炬不逢人。枉與千年作寒食，昔爲從風
蛇。今爲曳尾龜。國有君矣焉，用文之璧可授亦。可沈舅氏
豈必皆同心，畱者誅去者蕪。猶勝魏犢與顛頡，古來梟雄

矜擊斷安樂何如同患難君不見漢帝不報紀生功假王
烹死咸陽宮

洪洞望霍太山

昨日別霍州霍山馬前留今朝入洪洞霍山馬後送山靈
戀戀殊有神宛轉恰似隨詩人白雲一縷不肯去徘徊久
乃成魚鱗我聞山神不欺趙襄子唐宗之言亦如此每到
有求神豈能偏向行人作歡喜平生嗜好鍾煙霞蠟屐一
著輕哈呀祇今簡書有程限天邊空對芙蓉花且喜三朝
多領略心邊斗立山邊腳何時小住驂茅龍回頭更與青
山約

謁華嶽廟

昨日雲氣殊濛濛渡河不見三華峯虔心齋被默叩禱欲
藉神力開陰蒙山靈大好識客意一夜放出青芙蓉凌晨
騎馬出城郭初日照耀神山紅輿人僕夫悉驚怪謂此難
得誠神通既感且愧且自喜異事何異昌黎翁行行西上
三十里目光不轉秋豪窮少焉嶽廟適當道秦槐漢柏圍
葱葱 國家告秩有常典碑碣林立鐫穹隆升階俯仰歷
石級滿壁圖畫森蛟龍旌幘窈窕列丹仗冕旒秀發神當
中兩廊仙子跨鸞鶴天樂耳畔聞三終御尋苔徑入後殿
萬壽閣對金天宮其西玉女啟窗牖其東蓮花吐紫茸其
南一峯卽落雁外獨蕭穆中藏鋒羣山環拱聽命令但有
真氣無妍容大似古來志節士特立不懼辭阿逢名山到

此意俱靜對之凜凜生嚴恭是時秋色遙在地檣旆歷亂
船行空中條古翠壓雷首巨靈跖坼長河東山川一覽不
芥蒂八九定可吞雲夢下樓山色溢眉宇一路尙似乘罡
風茲游奇絕得未有敢謂誠意迴天公何時五嶽入周覽
會須杖策隨偃松

秦始皇塚

秦始皇吁可駭上埽五帝如游塵下驅六王如折筮長城
新築阿房開更欲揚鞭渡滄海童男童女去無蹤不見神
仙見山鬼華陰道上使者歸但道今年祖龍死祖龍死祖
龍非龍乃蛇耳當時路旁嫗早哭白帝子輜車一夜沙邱
來白蛇化作魚千尾南山表闕竟何用一坏仍在酈山趾

百官珍怪委銅槨三泉輸灌通金甌幽宮未覺白骨寒高
原倏見黃塵起回看昔日驢山徒此時半作侯王矣人生
失勢豈可常亡羊牧豎紛來此可憐一炬咸陽灰燒到塚
中猶不止

棧道弔蘇將軍

有序

將軍名維龍官游擊嘉慶四年二月教匪張漢潮自三
全竄唐藏將軍遏之力戰三時大罵赴賊死兵丁焦忠
孝恐賊毀其尸乃自詭爲將軍被賊支解一軍皆盡賊
退土人瘞其遺骨立廟以祀尋贈參將焦忠孝亦
贈千總守備尙某以觀望被杖自勒死

蘇將軍氣如雲報國淚常熒熒

自注聞將軍在營中每言及勦賊事輒歔太息不

知者或竊笑之忽聞有賊至奮起聲如霆一解或曰賊萬而我五百

人百一之勢懼不敵將軍曰嘻殺賊是吾職丈夫死職耳

焉能避鋒鏑二解將軍馳而左壯士亦皆左將軍馳而右壯

士亦皆右將軍愛士得士心轉戰而前誰敢後三解賊既不

得脫士亦不肯休頽雲慘慘苦霧合戰血噴起懸崖愁四解

維時日向暮苦戰猶不已手揮魯陽戈面著雷公矢須臾

馬蹄一蹶不起將軍大呼曰吾得死所矣慷慨而結纓壯

士皆死之五解死之日難民方作壁上觀曰有焦忠孝同時

被寸剗生爲烈士英死爲雄鬼先爲民捍大患配祀無愧

焉六解吁嗟乎豺虎縱橫兵雜沓將軍不死必死法自注初

唐蘇衝出有旨軍法從事嗣因藩司陸有仁言將軍

死狀特旨問經略額勒登保將軍恆瑞巡撫秦承恩所

奏皆同遂命贈卹有加泰山鴻毛等死耳得死爲難何用怯君不見

閻邱不救張睢陽身死杖下誰爾傷

七解

梓潼過德將軍

楊泰

戰蹟碑作歌有序

嘉慶庚申春教匪再添元等偷渡嘉陵江擾及劍州梓潼一帶川西大震將軍輕騎追及擒斬略盡土人感之立是碑也

妖星夜向西川施長蛇吮人血流赭赫然一震迅雷霆將軍旗鼓從天下憶昔么膺煽亂初祭酒鬼卒號嗚嗚始由襄郢及唐鄧遂渡漢河穿夔巫數千里內肆蹂躪勢若火燎秋原枯卓哉將軍好身手長嘯欲激龍泉吼健銳故是飲飛英叱咤會令逆苗走有詔將軍兵最精指揮更作

巴西行西行幾載冒鋒鏑鷲淵緣崖事搜剔霜刀不放鯨

鯢逃晴空屢見鷹隼擊

自注將軍前後斬獲劇賊姚之富齊二寡婦高均德高二羅其清也

文儔龔文玉卜三聘楊開

弟龍紹周徐國謨閻紹青遂得籌參裴令公

自注謂經臨額公將軍時

爲參贊

遙看幟樹楊無敵

自注謂提督楊公過春

三巴已靖人可耕移

兵北向趨階成誰知晝伏夜復動窮穴突出鼉與鼉將軍

聞之捲甲返疾馳颯若風雨聲是時羣賊正奮起我軍新

敗鼓聲死

自注總兵朱射斗戰歿於蓬溪參將以下死者十餘員

欽鴉得意毛羽張

投鞭欲斷涪江水士女倉黃如亂麻牽衣跣足哭不止將

軍下令整且嚴持滿勿發視吾矢餓鴟忽叫箭滿眼十萬

賊人同草靡

自注賊合黃號徐萬富青號汪瀛綫號陳得俸等十數萬人蜂湧迎戰將軍令軍士持滿

俟賊近乃發萬箭齊出遂擒陳得俸

獲賊再添伍再添元帶箭而逃窮追五日四接戰手斬

步洋子不... 身負一丁三一

鶴孤戮封豕自注賊自武連驛奔江油五日四戰射獲冉

用埋伏為眾所推添元及楊正明陳國祥鮮其順等冉添元善

既就擒賊遂大潰輕騎進解四寨圍歡聲上沸天雲委注

白號賊張子聰雷世旺等渡潼河焚太和塲追躡大破之

斬雷世旺生擒數千人時谷成太和仁和義四寨為賊

所攻哭聲震地大軍至賊驚遁潼河兩岸遂肅清自注賊

圍解難民萬餘詣營叩頭而去潼河兩岸遂肅清自注賊

中江三台殺偽總兵張長生等餘賊槍渡嘉陵江追及擊

以大礮殲溺殆盡自是賊不敢西渡望見將軍旗幟輒走

蜀人至今重脫刀兵事耘耔嗚呼此戰何可無稍緩須臾

廟祀之蜀危矣祇今事隔十年來陰雨猶聞鬼夜哀山坡往往拾

遺鏃斑爛血色凝蒼苔豐碑屹屹當道路惜無文字鐫崖

鬼自注碑上僅刻將軍官我行棧道繚若綫恍惚當年此

酣戰如公自是頗牧儔卻憶潢池誰名變自注教匪初起

民反為辭幾人善學孫吳書不如且讀循良傳

從軍西一首題李香翁師集

自注師名方穀成
都人官承緩同知

從軍西從軍西乃在舍衛之奧崑崙谿

自注廓爾喀在烏
斯藏西其酋嘗入

後藏滋擾乾隆五十七年嘉勇公
福康安超勇公海蘭察等討平之

大章豎亥行跡所不到

常有太古之雪山顛齊草堂夫子昔秉鐸

自注師嘗主草
堂書院講席

筆鋒觥觥天外落大吏知人幕入賓

自注時以教諭
隨營司書檄

三年

蠻語歸囊橐歸囊橐皆詩材危峯萬仞起方寸墨花燦爛

和雲開吁嗟乎西川古稱行路難况乃西川之西道路尤

漫漫怪公書生健腰脚萬里草檄窮征鞍不見菩薩巖阿

壤壩

皆地名

鐵凹山前皮作船

自注山深雪厚處人不能
行以皮爲船牽之而過

金

沙江上囊爲駕

自注羊革爲
囊騎以渡水

玉卡

名山
林深豹虎驕公拉地名

月黑骷髏咤想當駐馬揮豪時神鬼倉黃奔挽下我聞班

孟堅勒銘向燕然寶憲何足道猶爾資畱傳何况
聖朝聲教空往古無雷不夜皆中土小臣職在諸樂篇請歌此
詩補常武

江口揚展破獻賊處

扁舟夜泊江津口野梟拍拍翻輕艣片月遙穿蛟窟來光
明有若金珠吐獻賊當年肆荼毒鋸齒人呼黃面虎火城
雪鰓等嬉戲白骨如山壘人脯礮聲一發天亦驚六丁錯
愕收雷鼓遂令平地血流紅杜鵑不敢嘯冤苦藏金投利
靡子遺卻欲潛蹤變商賈嗟峨大艣橫江來一炬移時化
灰土至今遺鏃捲寒濤往往掇拾隨漁罟嗟哉草賊何代
無秋爲興主供前驅英雄成敗有數定不遇時會功難圖

君不見楊展號雄蓋西蜀血戰幾年空逐鹿豈知

天兵天外來一箭吹簫不用竹

泊西界沱寄題秦良玉舊樓

有序

樓在石砮廳後凡三層中層良玉所居今設像以祀所用白捍兵尙存鄧太守說

忠州女子天下奇父是秀才

自注良玉父名蔡忠州明經

夫土司天生

知勇不世出坐令巾幗慚鬚眉詞翰淹通意嫻雅錦袍豔
照桃花馬天子臨朝識姓名請纓獨對平臺下白捍之兵
銳無前巨寇親擒射塌天弟兄死國身許國平生忠義何
皎然陸知州誠可恥肉眼不識奇女子抽刀斷袖應羞死
邵捷春亦庸才坐受屠戮吁可哀吾謀不用竟如此嗚呼

羣鼠真來哉，夔門已失關。塞黑忍使此身重，事賊閉關坐。
臥小樓中大節直，同文相國何須更論。洗夫人多少麟臺
愧顏色。

蓮花山宋濂初厝處

蓮花山俯夔州署，曾是宋公埋骨處。玉棺移葬華陽西，
抔土人猶識遺厝。當年應用開太平，禮賢館內皆人英。仙華
山宮最博雅，文章一代推先聲。天子尊賢兼尚齒，歡飲親
呼醉學士。朕有孫兮卿教之，朕教卿孫亦如此。豈知一朝
黨禍興，竟殺卿孫成卿死。吁嗟乎飛鳥盡兮良弓藏，頽韓
功大皆誅亡。怪公儒生事文墨，何關殺運投要荒。從此朝
廷無老宿，馴致齊黃秉鈞軸。天道明明每好還，轉眼干戈

生骨肉

二日抵清江浦天氣甚熱運夫數萬人搬米過壩
由河口接運赴通也

車聲輓輓人如蟻運米漕河無勺水萬竿楚舫與吳檣涸
向湖漕漕不起去年湖漲風忽顛吹浪作山山倒懸白波
捲隄不周坼奇石莫補嫺皇天今年引黃向南走要救目
前計非苟豈知揖盜一開門遂使防川同塞口轉搬今無
洛口倉寄屯忍奪居民房勞勞汗血豈得已肩囊背橐相
扶將扶將更爲圩田急紅稻已枯鸚鵡粒不須聽取老農
吁船底似聞蝦蚌泣

次屠琴隲歸舟雜感二十六韻

今年我病臥秋榻瘦骨支離如野衲呻吟幻作瓦釜鳴八

斗才窮少升台杖藜強起力猶絲老矣吾衰蓬鬢颯昨來

忽喜接君詩爽似明珠初剖蛤連篇更得廿六韻腕底陰

陽爭闢闔雷公吐火萬星飛天女弄梭五組雜詩才如此

定誰知作作一條龍出匣昌黎力起八代衰相勗與君掃

庸闕憶昔淮南視漕時

自注予乙亥冬視漕淮安君時爲儀徵縣

奔走江干日

汲汲公餘談笑接詩人上座惟君進非躡刻楮初成數卷

詩爲我題辭到巫峽縱橫秦漢俯韓蘇

自注縱橫秦漢以還事俯仰韓蘇一

輩人君題余蜀道集作也見首僉歎爲名句 踢倒白鹽翻赤胛此情此景宛目

前暗換階蓂百卅葉我猶奔走君竟歸稱長五湖鷗鷺狎

渴來江國逐雲龍收斂笏豈一平揖道光 聖人卽位初

登進羣材廣延納朝收暮取拔其尤遠迷巖儲近漁筮

才奉命首臬陳

自注庚辰十月謝首

君亦田閒

詔

集

自注辛巳秋君以病假在籍特旨擢袁州守旋調九江均未赴

異數如斯古所稀

疊新恩愧難答貢公已彈座上冠下和

儕何幸際熙時所願歲豐民氣洽江淮比者困河渠太

史書陳多涉獵艱難宏濟豈余能賴有羣賢相應接

自注

議海

運事舳艫航海本前猷禹積書存碣石夾君今新從海上

來議論起予殊味蠟懷哉努力出山雲街鼓藝藝破殘臘

題趙介山先生奉使琉球遺照

憶昨轉漕浮吳淞開船打鼓聲隆隆天精百萬道溟渤龍

驟一氣乘長風寶山無山有高塏登臺一嘯風雲改書生

意氣挾虹霓不弄春潮但觀海歸來忽遇乘槎客卅載圖
中識顏色制策曾窺鐵石心冊封遠到琉球國琉球地隔
海東南候律瞻雲聲教覃久米自注琉球地名文風故無恙錦衣
玉貌畱香龕我觀此圖重歎息恍忽明霞射朝絕百靈呵
護耀龍旌屈卽駭伏天吳匿秭今海道平如砥來往雲帆
一杯耳發運慚非作楫才卻望膺舟渺雲水

虎邱南麓白太傅祠內舊有懷杜閣仰蘇樓同人新
構軒於後肖太白像予爲楸之日暮李五月一日落
成因設祭并祀四公作詩紀事

道光丙戌月夏五我來虎邱謁樂天樂天昔來乙巳茂寶
歷距今二十二年當時蘇州十萬戶嬰號臨去衣爭牽庚桑

尸祝遺祠在村巫社叟交神絃東武西武盛游跡薦藻豈
可無一椽仰蘇懷杜匪好事多公雅調同壺邊簪之東道
有刺史二公流寓來賓筵公與杜老皆王子花甲一周相
後先坡公後公又二百一堂同會真歡然獨有李侯不得

與豈非缺典遺前賢虎邱夜宴事已邈

自注太白有虎邱夜宴序本集遺之

今載全唐文內臨風猶想仙乎仙侯於諸公本前輩禮之上座開

中軒我爲揭榻曰慕李登龍此地非無緣卽今飛覺耀江

浦恍忽一似膺同船髯公大笑白也醉臣甫攢眉無一言

自注子美言二十餘游吳越無詩今集中所存皆三十歲後作也眼看白老擅吟興一月

一度多詩篇

自注白詩一年十度非少亦非多

平生大庇豈虛願德星已

聚斯堂前吾儕爲樂匪詩酒所貴尙友同周旋西街亭午

日少熱候吏致語催錦鞵卻憶公來正端午離離黃麥搖
江邊

題西泠聽雨圖應雪棧時洪澤湖迭漲甫從淮揚勘
水回蘇城也

我昨自淮南汪洋親跋涉逢窗日日雨聲來颯似西風摧
敗葉老蚪跳梁朱鬣浮眼看赤子盡魚頭此時心滴芭蕉
碎何處響傳蘆荻秋展君圖畫雲如墨卻對西泠憶鄉國
幾時歸櫂武陵溪共君看雨桃花色

紀曉嵐師雙瓦硯歌應梁苴鄰同年

八川東去黃圖閱漢家宮闕爲平地鴛鴦不共劫灰沈瓦
閒認取長生字惜哉歐趙錄竟遺二千年來黠精懿一朝

破土出靈光闕中金石添新志巧匠程材用不違礮之爲
硯歸埏埴蕭相圖書叔孫禮硯兮閱盡西京事河閒夫子
當代宗湯盤禹鼎羅心胸蓋底恰宜二美合製成象應圓
規重琢銘不已記諸匣一再命彼攻石工是時乾隆歲丙
午秦中大府多嗜古剗茗剔蘚訪籀斯倡者弁山和青浦
中唐有巖遠持贈恰稱藁駝載石鼓此瓦因之遇大賢質
重陶泓鎮書府土花斑駁六岡煙墨瀋陰沈二陵雨祇疑
水瀉石鯨飛詎等臺荒銅雀舞款識重尋建始年摩挲不
藉宣和譜梁子早歲游公門受知三世兼祖孫和凝衣鉢
已全付重以石交期勿諛殷勤贈別出紀獻大車以載歸
壓轅回首歲星幾柔兆手澤心香今獨存鏡煙堂中久寂

寶門下士亦多老髡九十九硯且星散蟾蜍淚滴秋風痕
羨君得此如得寶古篆雲雷似幽討齋名漢瓦覃溪書天
與風流追二老入襄樞直鳳池偕出伴吟鞭豹旂阜圭璋
清望勵 熙時邗祇韓門稱滄島余亦階前五礫姿建章
甘泉非所知但逢故物夸數典未免贖馥慚支頤文字淵
源重師友古今事業鑄鐘彝與君葆此願勿替請看長生
無極辭

湘臯客邗上臨歸寄聽雨圖冊屬題涼風瑟瑟殊動
人鄉關之思也

十年不聽瀟湘雨馬上輕衫滿塵土忽把君圖憶故山奇
石英英雲午午棣萼猶支樓外春蕉心漫滴窗前苦歸歟

飄泊異彭城，翦韭相將問鄰圃。

京口開河偕同事諸君觀放水作

大風北來何浪浪，江水勁立如挽強。金焦浮沈但兩點，眇
眼落日灰沙揚。萬夫嘔呀集壩口，揮鍤剗土如剗牆。一聲
破的勢箭激，砉然倬漢摧銀潢。星飛電掣不得住，鼉鱗歷
亂魚蝦忙。船逢下水自疾駛，快哉此水尤滂汪。榜人篙師
盡笑樂，倏忽已過千帆檣。年來馮螭苦多事，天子盱食
塵宣防。丁船兩載滯河北，危隄一綫分淮黃。區區航海豈
得已，旁門後戶聊輸將。爾來漕艘幸歸次，火符絡繹催新
裝。預愁夏漲阻清浦，先遣冬兌浮吳艤。天寒日短事疏濬，
十夫荷鋤凡九僵。拊循豈有挾纊術，且喜晴雪搖紅光。重

灘古淺記明史軟泥自昔難具詳

自注明史河渠志丹徒猪婆灘多軟泥

或

云隋皇始開鑿地脈雖斷時噏張或云其下通江海噴沙塞谷非斗量或云猪龍實作祟兩乳臃腫多漚漿自來無人敢施錘探之靡盡徒纒長我謂此語悉妄耳試窮其源庸何傷同時諸君一心力夙夜趨事誠匪皇果然深入得底裏蛟宮一掃皆明堂淤泥蓄積蓋已久俗語傳說滋荒唐百年疑案始一破瀉水到此如灌塘香杭卽日通禹貢來往利涉同周行愚公移山殆類此莫訝知叟河之陽

爲芝楣題閒園十景圖

我觀君之圖此園知有精意存其閒世人好動不好靜故揭此園名以閒閒者在心不在物天真湛然中獨完不然

古人或無逸夜不遑寢晨忘餐寸陰可寶非尺璧詎有光
景供流連惟其不閒閒乃見方塘流水皆琴絃花開鶴舞
不岑寂時聞竹外鳴春泉空階月落雨氣足側想耕野多
烏犍此時主人正拜石相與物我同周旋蠲除煩苛得佳
想臥閣且喜人安便從來好整必以暇此意勿與申商傳

題淵明詩意圖

有序

無爲州牧劉君用錫出其祖司空浦三先生淵明詩意
圖索題其曳鋤立者司空也拄杖攜群倚門者贈公朗
齋翁也牧牛歸者得魚罷釣者二子鴻臚公謹之詹事
公種之卽用錫父也卷中人物如生神彩飛動畫手無
錫華慶冠作於乾隆己酉時司空方貴盛二子早達乃

有粟里田園之興蓋其寄託深矣四十年來未有題詠
劉君請自余始爲賦長句歸之

昔者自太傅作詩始效陶坡老海外來和陶詩益高陶公
古隱士何以興起百代之賢豪高人性本薄塵網雲歸鳥
倦彌知勞譬諸箏琶聒俗耳素琴更以無絃超松菊未荒
三徑在依依墟色煙周遭南山種豆南村穫私田秫比公
田饒短衣曳鋤者誰氏舒曠居然事耘耔大兒牧歸牽犢
肥小兒釣罷得魚美養志眞能慰倚閭候隙遙看迎稚子
一枝筇杖晚風前茅屋方塘照新水桃源世界此中人不
道朝衫映金紫祇今事業逮曾元風景依稀尚故園六十
年來秘巾笥可知欲辨已忘言茱萸江上吾廬隘曾記博

陽通一派下溪田，蕪草木長浪遊。每被江神怪，何時攜幼
訪農人。青山到處皆圖畫。

登虞山望海歌

崑崙南走屹雲嶺，穿黔跨粵入閩境。玉山忽倒起黃山，握
馬脫韁吳阜騁。萬里到海一回頭，千尋突立天馬頂。東西
蟠互卅里強，氣象龐然鬱森挺。我來乘輿扶瘦筇，獨立纒
渺之高峯。羣松篩風竹雨立，千巖萬壑酣笙鐘。齊女墩前
壘黃土，望海喜得開心胸。雲帆歷歷轉遼左，嬉春浪暖恬
魚龍。狼山勢與甬東接，隱隱島上三芙蓉。羨門安期不可
遇，褰裳欲往誰能從。卻從巖下視拂水，暗風忽激衣袖底。
萬頃昆湖水，拍隄常年秋禾此。中死福山口，塞白茅淤一

碧遙天迷起止鞭山走海起疲癯囊底叩知嗟已窮扁舟
明日吳淞去不信大海多迴風

二月十七日吳淞江工竣開埧放水作

東南水利首大湖三江分洩通尾閘吳淞居中勢尤順建
飯萬古惟東趨六府一州若堂奧開闢門戶此其樞邇來
沙泥日壅塞湖水遠隔唯亭隅篙人漁郎望太息涉淺幾
化舟爲車遂令旱澇靡所備百萬億頃田無租 天子臨

朝下

詔諭南顧竊恐民其魚道謀築舍凡幾載一旦豁

然成鴻渠

自注吳淞自癸未水災後屢欲浚治未果去秋
孤堂節相至始得僉議甫拜摺而廷寄適至

仰蒙

聖詢及

瀾迴可使屈舍避路直盡斷羊腸迂自注

之遂得舉行浦井亭渡起至上海曹家渡止工長一萬
九百丈強家灣居家灣改直二千餘丈

天寒日短勞弗

勸自冬迄春五月餘今朝聞垠息春鍾萬人邪許問歡呼

清頭一綫立海色恰有淨綠先平鋪

自注是日子刻開浦上垠未刻開上海

大垠欄檣帆乘風行客樂魚龍得意爭歸墟推波助瀾勢未

已且喜百年民患除香花溢路走且告暮鼓不到茅檐居

回思神禹陂九澤三千年中湖不淤飽聞秋風動歸客巨

口細鱗江多鱸竭來自宋逮明代揚塵幾見滄海枯作俑

良由知者鑿建閘之議堪挪掄以閘禦潮沙亦滯閘內閘

外生崎嶇豈知江湖在天地本若元氣相轉輸一呼一吸

盪腸胃焉有塞口防沾濡來源不裕閘何益刻舟頗笑前

人愚不見黃浦閘不設未聞阻隔須爬梳瀏河白茅近有

閘淺澀更與吳淞殊夏海諸公事已邈眼前蠡測誠區區

三吳治水宜最亟請以此舉爲權輿

豐豫莊區田詩謝潘功甫惠新米作

東坡詠秧馬滑汰踔春雨石湖賦冬春歲晚閱農苦耦耕
植杖古多賢豈獨鋤犁事田父潘子命之汜勝之手訂農
書析禾譜早無宦夢到千鍾恰有書田耘四部任卹全輸
負郭莊籜車盡變汗邪土分畦布畛水深澆護葉培根糞
旁取因時轉鍤勢則勞遷地爲良力尤普果然腐臭出神
奇此日膏腴昔斥鹵冒楸陳根計已深嘉穉連塍結成纒
卽看籬落富雞豚不待敦耕命鳩扈黃縣婦子語斜陽遙
聽聲聲灌臘鼓一盤持贈比珠璣喜共村炊滌新釜因知
周田一再易法木生民履帝武鹵莽應嗤泥古人考工末

解周官補小詩待續于薦于歌詠豐年腹同鼓

題韓襄毅賜游西苑記卷尾

帝城景物誰第一瀛臺之山尤犖萃雕欄碧甃相滌回翠
島芳林共明瑟是爲前朝舊西苑禁籞深嚴比溫室勝事

猶傳天順年殊恩特紀臣雍筆

自注時天順三年己卯襄毅方爲右僉都御史在

延諸臣以次游是日同行人四七

自注同游爲姚夔張用瀚楊昇鄒幹湯序李紹

王復郝璜周瑄王福黃仕儁霍瑄翁世資王儉彭時呂原張文質王濫尹文劉昭李茂李希安陳文齊政揚詢唐泰楊瑄凡二十九人惟副延緣池沼歷西東迤邐樓臺周甲

乙川泳雲飛俯仰寬簪花啜茗心神逸但聞傳旨速觥籌

更無司正糾觴律作詩志美兼自勵三百餘年尙稱述從

來君臣本一體與民同樂非宴佚卷阿吉士矢來游泰交

雅頌從斯出獨惜英宗中主耳復辟貂璫仍怙侈桓桓韓
公命世才闔爽英豪故無比奸雄曾折逆藩謀勲伐終當
藤峽紀循例之游事偶然誓將報國心先以此時勸酒有
中官自注記稱太監劉公牛公裴公奉命偕行每至一處
延入供湯餅至南臺賜燕太監諭旨勸飲中官庖臣
循例他日中官謗還起功名之際誠所難往古悠悠盡如
獻酬此但能偉略應天心將星何必非孺子鐵鞭起舞彼何人
虛聞放浪老山水

紀文達師九十九研齋第九十九研歌並請同人賦

之

自注銘云西洞殘石今或偶有其出雖新共生
已久曾溫太真居第二流之首嘉慶壬戌八月

紀公之硯九十九平正瑰奇無不有因方就圓寓匠心肖
石作銘出公手此硯相逢公斲年器以晚成例居後數不

取盈不滿百高齋榜揭字如斗以硯名齋齋甫成以齋名
硯硯斯壽擬古興懷第二流仰若羣龍見其首神龍見首
不見尾此尾居然出無右鳳味應無牛後羞螺痕倒漬鯨
波黝乍疑煙水浸如拳九十九洲雲夢數又疑坡老賦仇
池九十九峯環雪牖末座何妨著綠衣期頤有待增黃耆
御着銘語憶初鵠歲在壬戌月維酉其時我甫及公門桃
李風前一株柳醉翁門生滿天下是科殿之信非偶三十
年來衣鉢存遠許硯田分一畝諸孫好我惠瓊瑤自注硯
孫樹綦還記同人詩在口自注黃霽青梁茵林
所贈二君曾以公硯賦詩風流應笑
晉時人太真失色爲誰忸世間百里半九十策後相期貞
石友

題梁蔭林玉帶還山圖

五祖戒師老偏鈍玉帶曾輸作山鎮石淙老人亦效嚮轉
語不須參佛印金山之帶至今傳焦山帶已無人問山僧
合眼失元珠象罔從誰索塵坭雪泥爪印迷飛鴻好事忽
逢長樂公晉璧居然反垂棘魯寶俄聞歸大弓持比金山
十六玉蜿蜒對挂雙青虹我昔采蘭過澧浦豐碑親拭龍
潭占自注文襄父官於岳遂居之文襄生澧州以巴陵籍
舉於鄉其前母劉夫人葬澧州城北龍潭寺左墓前
誥勅碑尚存字作魯公體頻年騎馬登北固落帆更向焦
余主講澧陽時屢過之
山駐屢詢此帶竟無蹤祇怪神靈失呵護風雅何期得替
人作畫若爲畱讖句自注文襄游焦山詩有云隔向他時
作畫看蔭林作此圖謂作畫句成讖
也未論公案入禪宗且添佳話供詞賦焦先洞口應大書

題曰梁公還帶處

沅湘耆舊集卷第一百三十七終